



Wantok



Namba 1887 Wan Wik Oktoba 14 - 20, 2010

Niuspepa Bilong Yumi Ol PNG Stret! *K1 tasol*

Aid mani i no as bilong bagarap bilong PNG: Ripot tok...

pes 3

Kristol Repits em ples bilong malolo na amamas...

Pes 8

Lukim laipstail stori na poto...

Pes 18

Teksim Fevret Sta blo yu!

Lukim EMTV displa Sunde long 6:30pm nait. Teksim nem lo sta yu laikim i go lo namba1699 na bai yu go insait lo laki dro we yu inap winim kes moni na fri kredit!

Digicel stars



Digicel

Bilgela, Strongela moa Network bilong PNG.

Digicel tems na kondisen istap insait

Papagraun no surik long tok pret

..Medaing kisim Kontem long Kot agensim MCC

RIPOT long Madang i kamap olsem divelopa bilong Ramu nikel main, Metalujikal Konstrak-sen Korporesen (MCC) o Ramu NiCo bilong Saina i wok long tok pret long ol papagraun.

Dispela tok pret em long ol i no ken go long kot na pasim MCC long em i tromoi pipia bilong main i go daun long solwara long Basamuk Be, Madang Provins.

Narapela kampani we i wok wantaim MCC na i givim pret tok long ol papagraun em Hailans Pasifik.

MCC long stat bilong dispela mun i bin tokim Nesenel Kot long Madang olsem em i no ken putim dainamait long ol rif long Madang inap long Kot bilong Oktoba 15, em long tumora, i pinis.

Dispela kot i stap namel long Louis Medaing bilong Tugyag ples wantaim MCC.

Tasol olsem ripot i tok long taim kain Kot Oda i stap yet MCC na Hailans Pasifik i wok long go aut na givim tok pret long ol papagraun.

Long wanpela midia tok em Mista Medaing i mekim i tok planti tok nau i kamap long em i mas lusim dispela kot bilong em.

Long dispela pepa em i tok: "Mi

papa bilong dispela Kot we i salensim MCC long em i no ken tromoi pipia bilong main i go daun long solwara.

"Mi statim dispela kot long Septemba 24, 2010 na nau long dispela taim 38 memba long Tong na Onged klen long Rai Coast i stap wantaim mi.

"Narapela 37 moa memba bilong klen bai joinim mi long kot long dispela wik.

"Stat long taim mi kamap long Nesenel Kot long Madang, famili na ol memba long klen bilong mi i wok long kisim ol tok long ol papagraun bilong main long Krumbukari na MCC menesmen long lusim kot bilong mipela.

"Ol memba bilong Tong na Onged klen husat i stap insait long kot i no ol wokman bilong MCC.

"Tasol ol memba bilong Tong na Onged husat i wokman bilong MCC i kisim tok long sainim pepa na askim Medaing na ol arapela long ol i mas pinisim kot bilong ol.

"Sapos ol i no sainim dispela askim pepa i go long Mediang MCC bai rausim ol long wok.

"Long dispela as mi kisim Kontem long Kot pepa agensim MCC

menesmen na ol wokman bilong em olsem Jacky Wang na Tonny Nongi wantaim wok kaunsil Dongemba Dugai.

"Dispela ol man i givim pret tok long ol memba bilong Tong na Onged Klen long ol (mipela) i mas lusim dispela kot.

"Dispela em i bikipela tok long wanpela man o meri i go agens long wok kamap bilong lo na oda na long dispela ol i go agens long tingting kot.

Mediang i surukim dispela kot namel long ol papagraun na MCC bihain long pastaim tripela papagraun Eddie Tarsie, Peter Sel na Farima Siga i pasim kot bilong ol agensim MCC.

Ripot i tok MCC, husat bai tromoi 100 milion tan pipia bilong main i go daun long solwara, pastaim i bin traim pasim Medaing long go long kot na i no lusim dispela pasin bilong em.

Na Medaing long dispela taim i tok tingting bilong em long pait agens long tingting bilong MCC i stat 10-pela yia i go pinis.

Ripot i tok nau olsem em i redi long stap insait long kot, kampani i yusim ol lidaman na famili bilong

em long pasim em long go long kot.

Ripot i tok MCC i tokim famili bilong em tu olsem sapos dispela kot bilong em i win em bai kisim taim nogut long bihain taim.

Medaing i skelim dispela ol tok olsem em i no ol gutpela tok. Em i skelim ol tok i sut long bagarapim laip bilong em na famili bilong em.

Medaing i no suruk na i tokim MCC olsem em i no ken lusim nating taim bilong em bilong em long wanem taim bilong sindaun na skelim tingting i pinis.

Na nau em i laik go long kot ol i painim taim long toktok long em. Dispela bai nogat.

Kot i stat long Mas long dispela yia.

Long dispela wik nau lida bilong PNG Pati na bipo Minista bilong Diwai, Belden Namah, i tok dispela Environmen Lo we Palamen i pasim long Mas i no gutpela.

Em i pasim rait bilong ol papagraun long go long kot olsem nau pasin i wok long kamap namel long ol Bassamuk Be papagraun na MCC.

Mista Namah i tok em bai mekim olgeta samting long askim Palamen long rausim dispela lo.

NUPELA YELO FIN TUNA

wantaim lombo na soya bin wel

Stap nau long stua klostu long yu

TRAIM WANPELA TUDE!

Namba wan kaikai bilong PNG ...

Kwaliti Edukesen i bikpela long developmen bilong kantri

Veronica Hatutas i raitim

EDUKESAN developmen na planti ol samting i go insait long en, em i bikpela samting insait long Pasifik Plen we ol lida long rijen i mas wok bung wantaim long painim ol rot long bungim ol salens insait long rijen, na tu long ol wan wan kantri.

Deputi Sekreteri Jenerel bilong Pasifik Forum Sekreteriet, Feleti Teo, i tok long Pot Mosbi long dispela wik Tunde long opim namba 8 konprens bung bilong ol edukesen minista bai pinis tude.

Samting olsem 80 bikman bilong edukesen long ol Pasifik kantri, Australia na Nu Silan wantaim tu ol obsewa na ol patna long edukesen i stap long dispela bung long sea na bungim na glasim ol tingting wantaim long kamap wantaim ol rot long etresim ol hevi na ol wok go het long edukesen insait long rijen na ol wan wan bilong ol.

Het tok bilong konprens bung em, "Strongim edukesen long Pasifik rijen".

Mista Teo i tok long yia 2001 em taim we ol Forum Ikonmik Ministas bung i bin singautim ol Edukesen Minista long ol Forum memba kantri long kamapim dispela grup, planti gutpela wok i kamap nau long edukesen developmen long rijen. Bikos ol i bilip olsem kwaliti eduke-



OL PASIFIK FORUM EDUKESAN BIKMAN: Sampela ol Forum edukesen minista na bikman wantaim Praim Minista na Gren Sif, Se Michael Somare na Edukesen Minista James Marape.

Poto: Veronica Hatutasi

sen na populesen i go long skul na i gat save i ken kontribut long strongpela developmen long sait bilong wok mani na ol narapela eria bilong kamapim gutpela kantri.

Taim Mista Teo i tok givim edukesen sevis i mas stap olsem bikpela wok eria bilong ol gavman, em i luksave tu long ol hevi we ol ailan kantri i gat long en long kisim ol sevis i go long ol pipel bilong ol olsem bikpela solwara i stap namel long ol ailan, sais bilong ol ikonomi na mak bilong pipel (populesen), hevi long wok mani long rijen i mekim hat long ol kantri long stretim ol developmen salens ol i gat.

Em i tok tu olsem long nau bung, ol minista bai glasim na skelim dispela Pasifik Edukesen Developmen Fremwok (PEDF)ol bin tok oraitim long Tonga bung las

yia, long go hetim.

Aninit long dispela fremwok, kodinetim ol wok bilong edukesen long rijen long sapotim ol wok long nesanel level long eria bilong edukesen developmen em i wanpela bikpela eria bilong en.

Tasol Mista Teo i tok wanem ol plen ol i kamap wantaim na go hetim, tes long lukim sapos ol wok i kamap gut i stap long ol pikinini na sapos ol i kisim kwaliti edukesen.

"Ol pikinini mas kisim gutpela samting long ol dispela rijinel na nesanel wok long kamapim gutpela kwaliti edukesen na trenign sevis bikos ol bai lida bilong tumora. Na invesmen o tromoim mani long edukesen nau i olsem tromoim mani long kwaliti bilong lidasip tumora," Mista Teo i tok.

Em i skruim tok i go moa

olsem aninit long kwaliti edukesen developmen, rijen i ken inapim visen o driman bilong ol Pasifik lida aninit long Pasifik Plen long gat rijen i mas stap gut wantaim, i gat sekyuriti na mani long ol pipel bilong em i ken stap fri, amamas long gutpela laip.

Sampela long ol samting ol bin lukluk long ol long bung aste em long, ripot long Pasifik rijinel wok long projek we i kisim besik edukesen i go aut (PRIDE), Strateji o plen long go hetim Pasifik Edukesen Developmen Fremwok, kamapim gut wok na save mak bilong ol tisa na ol i ken karimaut gut wok long skulim ol pikinini, sapotim na monitaim ol kwalit i risal long Pasifik edukesen na Open skul olsem plen long givim namba tu sans long edukesen na sampela moa.

Stekholda bung kamapim tok orait long lukautim ol samting bilong solwara

Veronica Hatutasi i raitim

LUKAUTIM ol samting bilong solwara o "marine conservation" long PNG i go antap long wanpela moa mak taim ol stekholda grup i bin givim tok orait long wok bung wantaim na kamapim gutpela rot bilong lukautim ol.

Dispela i bin kamap long klas wik long wanpela wik bung ol stekholda i bin holim long Mas Gels Risot long ples Gaire ausait long Mosbi siti long Oktoba 4 inap long de namba 8.

Ol lain i bin kamapim tok orait em ol lain i makim wanpela grup marin konsevesen stekholda we nesanel gavman, Dipatmen bilong Envaironmen na Konsevesen na Nesanel Fiseris Atoriti i bin go pas long en.

Ol stekholda i gat long em ol lain i makim nesanel, provinsel na lokal level gavman, intanesenel, rijinel na ol nesanel non gavman oge-naisenen na ol komyuniti.

Bung i bin wanbel olsem PNG Senta bilong Lokoli Menej Eria (PNGCLMA) nau bai kisim wok long kodinetim



BUNG BILONG LUKAUTIM OL SOLWARA SAMTING: Barbara Masike bilong The Nature Conservancy na grup bilong em long stekholda bung long March Girls Risot. Poto: Seaweb Midia

na bungim ol infomesen long olgeta level bilong "marine conservation" o lukautim ol samting bilong solwara long kantri.

Eksekutiv Dairekta bilong PNGCLMA, Maxine Anjiga taim em i wanbel long ol i makim em long dispela wok, i bin tok em i laikim ful sapot na komitmen bilong olgeta stekholda na ol patna.

"Mipela i laikim sapot bi-

long yupela long mekim tok orait i karim kaikai na isi isi, bai yumi kamapim lo bai lukautim ol wok long laip bilong solwara," Misis Anjiga i tok.

Tingting bilong dispela koud o stia lo em long kamapim gutpela prektis i fokus long komyuniti i bihainim ol samting long PNG yet na kisim i go insait ol save bilong ol tumbuna long

Ramu Nickel laik wok patna wantaim sios

WOK bung namel long sios na Ramu Nickel Menesmen bai kamapim gutpela wok developmen long tupela bodi na insait long komyuniti na projek eria.

Dispela em bilip bilong ol sios lida long Memoriel Luteran Sios long Madang na Ramu Nickel top menesmen bihainim bung bilong ol long sios sevis long September 26.

Long dispela taim, Ramu NiCo Presiden em, Madam Luo Shu, i bin go long sios sevis long Memoriel Luteran Sios long Madang na bungim sios lida em Pasto Daniel Wang, ol narapela sios lida na kongrikesen bihain long lotu sevis.

Ol sios lida na Madam Luo i bin toktok long ol rot we ol i ken wok patna wantaim long kamapim gut Madang komyuniti.

Ol pasto, ol elda na kongrikesen i bin welkamim wokabaut bilong Madam Luo na wok we Ramu Nickel kam-

pani i laik mekim long promotim "Wanpela Ramu Nickel, Wanpela Komyuniti" tingting long pipel i ken kisim gutpela samting long taim kampani i mekim wok long Madang.

Tupela grup wantaim i bilip olsem sapos i gat wokbung na luksave namel long Ramu Nickel Main na ol sios, komyuniti bai lukim na kisim gutpela samting.

Dispela wokabaut bilong Madam Luo i bihainim wanpela we medikel grup bilong kampani i bin wokim long las mun. Dokta Yang Yan i bin go pas long dispela na wokim fri medikel sekap na givim fri marasin i go long ol memba bilong Memoriel Luteran Sios.

Asisten Presiden bilong kampani em Duan Jiubin, Dokta Yan na man i makim Komyuniti Afeas em Jerico Pan i bin stap wantaim Madam Luo long wokabaut i go long ol sios lida na kongrikesen.



RAMU NIKEL NA SIOS WOKBUNG: Presiden bilong Ramu Nickel kampani long Madang, Madam Luo i toktok wantaim Matthias Knock bilong Gemani tasol i stap wantaim kongrikesen bilong em long Memoriel Luteran Sios long Madang taun taim delegesen bilong Ramu Nickel i raun lukim ol. Sanap lukluk long hapsait em, Duan Jiubin.

Rausim Distrik Etministreta bilong Rigo

OL MAS rausim Distrik Etministreta bilong Rigo Distrik bikos em i no mekim gut wok long stretim ol hevi na tu, long i no bihainim ol ripot long ol wok painim we Nesanel Dipatmen bilong Helt i bin wokim long helt senta housing projek long Kwikila stesen.

Jenerel Sekreteri bilong Komyuniti Wokas Asosiesen (CHWA) James Yamuna i tok.

Mista Yamuna i agensim stret pasin we Distrik Etministreta bilong Rigo Distrik, ol famili memba bilong kontrakta bilong Kwikila Helt Housing projek na sekyuriti i mekim long tok nogutim na paitim deputi presiden bilong Komyuniti Helt Wokas Asosiesen, em Maino Tore, long wok painim ripot long Helt Senta Housing projek em bin mekim.

Bikos i no bin gat plen long haus o ples long putim ol woklain bilong Kwikila Helt senta taim ol i rausim ol haus stret bilong senta ol nes na ol narapela wok manmeri bilong Kwikila helt senta i save stap long em, ol woklain i autim ol komplek bilong ol.

Tasol Mista Yamuna i tok, ol bin rausim olgeta haus we ol helt senta woklain i save stap long em long mekim ol nupela haus. Tasol helt menesmen na distrik etministresen inap long wokim ol haus long putim ol woklain na ol famili bilong ol bikos ol woklain i bin pulim i go daun olgeta haus.

"Tasol ol kontrakta i bin go na rausim ol haus na tokim ol helt senta woklain long go mekim ol haus bilong ol yet na slip long en na go long wok. Tingim, bai ol woklain i mekim ol haus olsem wanem bikos ol kontrak lain na distrik etministreta i stopim ol long kisim ol metiriel long olpela haus na wokim ol haus long stap long en taim ol i wokim ol nupela hasu slip long en," Mista Yamuna i tok.

Malaysian timba kampani bagarapim bus long Pongani – PwM

JAMES KILA i raitim

ASKIM i go long PNG Fores Atoriti (PNGFA) long mekim wanpela wok painimaut kwiktam i go insait long operesen bilong wanpela timba kampani bilong Esia long Pongani insait long Oro provins bikos i gat bilip olsem dispela kampani i brukim lo.

Wanpela non-gavman ogenaiesesen (NGO), Partners with Melanesians, i raitim pas pinis i go long Menesing Dairekta bilong PNG Fores Atoriti (PNGFA), Kanawi Poure long lukluk na mekim wok painimaut i go insait long wanpela kampani bilong kantri Malaysia we i wok long katim diwai long rot klostu long Pongani riva na long Barije-Afore rot.

Eksekutiv Dairekta bilong PwM, Kenn Mondiai, i tokaut olsem em i bilip olsem dispela operesen bilong dispela kampani bilong Malaysia i no bihainim lo na i mekim asua long katim diwai na bagarapim riva na ol bus long dispela hap.

Mista Mondiai, husat i bin wok praun long Popondetta na i bin go long Managalas Konsevesen eria i lukim wanem samting i kamap long

hap na i guria stret long kain pasin na wok dispela kampani i mekim long wok operesen bilong en.

Em i tok olsem kampani i katim ol diwai na larim arere long rot na kamapim pipia long ples na i no klinim ol rabis bilong en. Ol i bin bungim ol diwai olsem Kwila na Ikaliptus i stap arere long rot na klostu long riva.

Mista Mondiai i bin kisim poto bilong wok bilong dispela Esian kampani na i putim long ripot we em i givim i go long Mista Poure long PNGFA long mekim wanpela wok painimaut i go insait long dispela wok bilong Esian kampani ya.

Mista Mondiai i tok olsem rot em dispela Esian kampani i yusim long mekim wok bilong en i go insait long Managalas Konsevesen Eria. Dispela Oro Be-Afore road long isten seksin em i go insait long dispela eria na tu i lukim olsem dispela i brukim baundri o eria we konsevesen projek i kamap long en.

Mista Mondiai i tokaut olsem ol lokal pipel i tokim em olsem ol bikpela diwai em kampani ya i katim daun em i yusim olsem bris long Pongani nambis na kampani ya i no peim royalti long ol lokal pa-

pagraun. Moa long en tu i no gat gutpela rekot long hamas diwai ol i katim na tu nogat mak o teg bilong SGS, kampani we i save sekim ol ekspot bilong diwai i stap long ol timba.

Dispela kampani i tok long muvim ol timba yusim bads i go long Oro Be na bihain bringim ol diwai i go long Dabol Kros Somil em wanpela kampani ol i kolim Kerawara i stretim ol diwai

“Mi lukim olsem planti ol hap hap diwai em kampani ya i karim i stap bagarap na i no rekotim stret prais bilong diwai,” Mista Mondiai i tok.

Ol lokal pipel i tokim Mista Mondiai tu olsem wanpela PNGFA ofisa bilong Wes Nu Briten provins i wok long go long dispela eria we kampani i karimaut wok operesen na long sampela taim dispela ofisa i wok long draivim kar bilong bos bilong timba kampani.

Ogenaiesin bilong Mista Mondiai, PwM i wok patnasip wantaim wanpela lokal NGO long Managalas konsevesen eria na em i askim Mista Poure long putim kamap wok painimaut i go insait long dispela hevi.

Mista Mondiai i tok olsem em i toktok wantaim ol loya bilong em pinis long karimaut wok painimaut i go insait long dispela ripot i kamap long Pongani eria.



BAGARAP: Poto i soim bagarap timba kampani bilong Malaysia i mekim long nambis we i brukim forestry lo. Poto: Adelbert Gangai

Plen mas go wantaim MTDP 2011-2015: Tiensten

NUPELA taim i kamap pinis long developmen plen bilong Papua Niugini wantaim kamap bilong Midium Tem Developmen Plen 2011-2015.

Na wantaim wanpela Nesanel Eksekutiv Kaunsil (NEC) kibung i kamap long dispela Mande Stet i tok long sapotim MTDP 2011-2015.

Na dispela i min olgeta lain husat i wok wantaim gavman long ol plen bilong em i mas redi long lukim dispela ol long tem na midium tem plen i karim kaikai.

Dispela em toktok bilong Minista bilong Nesanel Plening na Distrik Developmen, Paul Tiensten, long taim em i bung wantaim ol developmen patna na lonsim MTDP 2011-2015 long Vulupindi Haus long aste.

Em i tok gavman nau i gat nupela ekse-



LAIKIM SENIS: Tiensten, Minista bilong Nesanel Plening na Distrik Developmen.

plen long kamap long Developmen Stratejik Plen (DSP) 2010-2030 na Visen 2050.

Gavman i gat kliapela long tem na midium tem developmen strateji, gol na taget, Mista Tiensten i tok.

Em i tok MTDP 2011-2015 i namba wan long foapela faivpela plen bilong Midium Tem Developmen Plen aninit long 20 yia PNG DSP 2010-2030.

MTDP i kamap bi-

hainim ol wok bilong Midium Tem Developmen Strateji (MTDS).

M T D S 2006-2010 i bin k a m a p olsem gaid bilong MTDP we yusim long kamap long Visen 2050.

“Dispela i kamapim 5-yia sab sekta strateji, taget na inap long kamap.

“Wantaim dispela em i putim mak long wanem samting bai kamap namel long dispela taim.

“Dispela ol rot i bilong mekim kliawanem samting gavman bai mekim long ol mani plen bilong em long wan wan ol hap.

“Bikos long dispela i

nogat paul tingting i mas kamap.

“Dipatmen bilong Nesanel Plening i gat atoriti long karimaut MTDP aninit long PNGDSP long go bungim Visen 2050.

“Dispela ol plen i bilong helpim mipela long kamapim gutpela developmen na abrusim dispela ol rot nogut em mipela i wok long bihainim long las 34 krismas.

“Long dispela as wok em mipela i bin mekim bai i no inap long wankain long dispela taim.

“Dispela ol senis bai mas kamap long olgeta Dipatmen long Nesanel na Provisnel i go daun olgeta long lokal Level.

“Nau mi askim ol developmen patna bilong mipela long kamapim ol plen we bai bungim kaikai bilong dispela ol plen bilong mipela,” Tiensten i tok.

Aid mani no as bilong bagarap bilong PNG: Ripot tok

Paul Zuvani i raitim

HELPIM mani o (Aid) i no as bilong Papua Niugini i go bagarap, wanpela ripot i tok.

Em i helpim na sapotim Papua Niugini long wok developmen bilong em.

Ripot ol i kolim Foren Aid na Menesmen bilong Mani gavman bilong PNG i mekim (Foreign Aid and the Fiscal Behaviour of the government of Papua New Guinea) em Nesanel Risets Institut (NRI) i lonsim long het opis bilong em long las wik Trinde 6 Oktoba, 2010.

Ripot i tok aid mani i helpim gut Mani Plen bilong PNG.

Em i olsem gavman long ol taim i go pinis i no kisim bikpela dinau long wanem helpim mani i helpim em.

Ol manmeri husat i no wanbel long kamap bilong Helpim Mani i tok bikos long dispela helpim gavman i save pasim ai na mekim nabaut long kisim dinau o yusim ol risoses bilong kantri na dispela i lukim kantri i go bagarap.

Ripot em Aaron Batten i kamapim stat long 1974 i kam inap long 2008 tasol i no bin stap na Peter Johnson, Hetman bilong Ikonmik Stadi bilong Risets Progam long NRI i helpim long lonsim.

Mista Johnson long taim bilong lonsing i tok sapos toktok bilong aid mani i

bagarapim PNG, i nogat wanpela samting i stap bilong tokaut long dispela.

Maski ol opisa husat i mekim disisen na lukautim ol risoses bilong kantri i no mekim gut tasol aid mani i helpim gut long stap bilong kantri.

Bikpela skul tok bilong ripot i go long ol helpim (dona) kantri em olsem ol i no ken wari long hamas mani ol i gat na we ol i givim tasol wanem samting ol i mekim bai i karim kaikai stret na kamapim gut kantri.

Dispela i namba wan taim long kain ripot i kamap we i lukluk long aid o helpim em ol arapela kantri i givim.

Ripot yet i tokaut long tripela model o mak na dispela ol mak em:

- AID o helpim mani na Ekspenditsa Mani bilong Gavman;
- AID na Jeneral na Developmen Ekspenditsa; na
- AID na Progam plen bilong Gavman

Ol mak em helpim mani i kamapim i soim olsem em i helpim gavman long gavman i no bin save kisim bikpela dinau.

Tasol long wankain taim em i painim olsem kain helpim i mekim gavman i no kisim takis long ol wok insait long kantri.

Kamap bilong dispela ripot bai helpim ol kantri i givim helpim mani, gavman yet na ol pablik sevans long wanem samting ol i mas mekim long gutpela kaikai bilong helpim i kam.

Nestlé MILO

KAMAPIM CHAMPION BLO YU!

THE ENERGY FOOD/DRINK

Actigen-E

Kimbe i gat nupela bisop

OL Katolik pipel bilong Kimbe Daisis long Wes Nu Briten i gat nupela bisop nau bihainim bikpela lotu selebren las wiken Sarere long nupela bisop bilong ol i kisim blesing.

Nunsio Asbisop Franceso Padilla i bin go pas long misa lotu seremoni i we samting olsem 5,000 pipel i bin stap long lukim Pater Bill Fey OFM, Cap i kisim blesing long kamap bisop.

Long helpim asbisop long misa lotu, i bin gat 50 pater, 12-pela Katolik bisop, wanpela Angliken bisop, sampela pasto bilong ol arapela sios, 70 rilijes, tupela susa stret bilong Bisop Bill na wanpela tambu bilong em i kam olgeta long Amerika, ples bilong bisop.

Em bin namba wan taim stret tu long Bisop Bill i krugutim graun bilong Wes Nu Briten long Fraide, wanpela de bipo long lotu long kisim blesing long kamap bisop.



NUPELA BISOP BILONG KIMBE DAIOSIS: Bisop Bill Fey i sindaun long sia wantaim ol bilas bilong bisop. Poto: Opis bilong Katolik Bisops Konprens

Na taim em bin go kamap long Hoskins ples balus, kea tek etministreta long Kimbas daiosis em Asbisop Karl Hesse, na ol Katolik pipel i bin putim bikpela tok welkam long em. Ol bin mekim ol singsing tumbuna na danis na karim nupela bisop long spesel sia ol i bilasim na bihain, ol bin draiv long tupela awa i go long Kimbe we i stap

samting olsem 40 kilomita longwe. Samting olsem 20-pela kar i bin go wantaim long Hoskins i go long Kimbe.

Long stat bilong lotu seremoni, supiria o bos bilong ol Kapusin kongriksen em „Brata Jonathan, OFM Cap na 50 pipel bilong Mendi daiosis i bin givim Bisop Bill i go long ol pipel bilong Kimbe.

Gutpela selebren i bin kamap long sait bilong lotu we kwaia na ol tumbuna singsing na danis i bin ka map. Na bihain taim i bin gat ol toktok na lans kaikai. Long nait, gavana bilong Wes Nu Briten, Peter Humpreys i bin go aps long dina kaikai long nupela bisop na ol narapela bikman bilong sios, ol rilijes na provin-sel gavman.

Nupela piksa long rot sefti long PNG

STAT long dispela taim mipela long Motor Vehicle Insurance Limited i bin laik salim 15-pela PMV draiva i go long Sidni long NRL Gren Fainal, mipela i save olsem dispela grup bai mekim bikpela samting stret long promotim PNG.

Na nau bihain long dispela raun, toktok na ripot long Australia midia i soim olsem dispela ol lain grup i gutpela embeseda bilong „Rot Sefti: Em i No wanpela gem Kempein” tasol em bilong PNG.

Bipo long grup i lusim PNG, toktok i go aut pinis long midia o pres long Australia long go bilong ol long Sidni. Wanpela long ol bikpela niuspepa long Australia em moa long 700,000 lain i save baim na ritim olgeta de em Sidni Morning Herald i putim stori bilong ol long tupela spots pes bilong ol. Insait long dispela stori, nius ripota Chris Barratt i raitim ol hevi bilong dring na draiv em Neville Costigan i bin stap insait long en long taim em i pilai wantaim Brisben Brosco na taim em i senisim pasin na sapatim dispela kempein long

rot sefti long sapatim PNG. Neville i mekim bikpela senis na helpim tru long winim Gren Fainal wantaim St George, na mi tu mi drimas long kamapim gutpela senis long PNG rot sefti.

Narapela samting tu, bipo long ol lain PMV draiva i go kamap long Sidni, ol i bin bung long Mosbi, na grup ya i mekim intanesenel nius long Australia Netwok nius sanel, we i brodkas i go long moa long 44 kantri insait long Esia, Pasifik na Indian sab kontinen.

Taim grup ya i kamap long Sidni, ol i kisim moa luksave i kam long midia, na ol lain long Sidni Morning Herald niuspepa na tu Sanel 10 Nius i go bungim ol. Narapela bikpela niuspepa stori i bihainim wantaim nius ripota Nick O'Malley i mekim ripot long rot sefti long PNG na gutpela draiva rekot bilong ol dispela lain long winim trip o raun i go long Sidni.

Sanel 1o Nius i putim putim bilong ol nait wantaim piksa bilong ol dispela draiva na moa long 1 milien lain i lukim dispela stori long praim

taim na moa long 700,000 lain i lukim leit edisen bilong stori.

Nius i pinis yet wantaim dispela 15-pepa man, ol biknem Australia spots ripota olsem Roy na HG i givim toktok tu long rot sefti kempein na raun bilong dispela PMV draiva i go long Sidni NRL Gren Failo long ne-sesel redio program „This Life” em moa long 2 milien pipel i gat sans long harim.

Noken asua olsem, dispela MVIL Gren Fainal grup i kisim bipela intanesenel luksave. Mi yet tu em ol lain i go long gren fainal i askim mi olsem mi memba bilong grup ol i lukim long TV, ritim long niuspepa o harim nius bilong ol long redio.

Ol lain PMV draiva ya i mekim gutpela sevis long kantri bilong yu wantaim gutpela pasin long lukautim rot sefti na ol i go olsem gutpela embeseda long promotim PNG na tu dispela kempein bilong rot sefti. Olsem na kantri bilong yumi mas amamas olsem ol lain ya i kamapim olsem gutpela piksa long rot sefti long PNG.

STRONGPELA WOKMAN SU



NUBUCK - 6" LACE UP SUEDE LEATHER



EXPLORER - 8" LACE UP BROWN KIP LEATHER



- ✓ DUAL DENSITY POLYURETHANE RUBBER SOLE FOR EXTRA COMFORT AND INCREASED WEAR
- ✓ LIGHTWEIGHT
- ✓ PORONNNER SOLES FOR EXCEPTIONAL COMFORT
- ✓ WIDE STEEL TOE CAPS
- ✓ FULL LENGTH TONGUE
- ✓ CERTIFIED TO AS/NZ 2210.3
- ✓ OIL & HEAT RESISTANT SOLE
- ✓ PADDED COLLARS

BRUT-SLIP ON

BISHOP BROTHERS

everything for industry...



EMAIL: sales@bishopbras.com.pg

WEBSITE: www.bishopbras.com.pg



OL I WIN TRU LONG ROT SEFTI: Ol PMV draiva bilong Papua Niugini long Sydney haba bris long Australia. Rot Sefti i no samting bilong pilai.



Hia ol i bungim Neville Costigen long training bilong em long Australia.

Dispela gavman i luksave long ol ausait man na manistasol, na pipel, nogat

LONG dispela kolum, sam-pela wik i go pinis, mipela i binraitim sampela tok-olsem:

"Nau em i klia olsem olgeta gavman i kam inap dispela i stap tude, i sanap long strong bilong ekonomi logn sait bilong ol bikpela risos developmen long kantri. I luk olsem taim ol i lukim ol namba bilong winmani ol projek bai mekim, ol bai luksave olsem em bai bikpela mani tru long million na billion, olsem na ol i save rausim trausis na ron i go long bodrum bilong ol divelopa, wantaim ol kain kain samting olsem ol bikpela takis malolo. I luk olsem i nogat wanpela luksave long ol sosol impek stadi o arapela luksave long sindaun bilong pipel. Olgeta ol ekonomik plening na projek em ol i save mekim olsem ol pipel bilong yumi i no stap."

I luk olsem fomula o skelim bilong ekonomik developmen i no karamapim ol pipel olsem ol tru tru lain bai kisim gutpela bilong ol projek. Dispela em i wanpela long ol astingting we ol gavman bipo i no kam insait na halivim ol pipel long pait agensim ol bikpela risos divelopa long dispela kantri.

Lukluk long Tuanda pisin bilong Pogera, na pait bilong ol long traim kisim gutpela luksave na gutpela ples bilong go sindaun long en. Ol i gat 60% bilong kastomari graun bilong ol em gavman i givim

long maining kampani, Barrick. Dispela ol i mekim aninit long wanpela spesol maining lis and dispela narapela 405 i no gutpela long sindaun long en, olsem na ol i nogat ples long go sindaun. nau yet, ol manmeri wok silip antap long het bilong maunten taim kampani i wok rausim ol maunten na yusim wara bilong ol long tromoi ol pipia ston na arapela samting i kamaut long main.

Kampani i no tingting long traim painim gutpela hap graun bilong ol pipel long sindaun long en we i stap ausait long main sait.

Na ol opisa bilong gavman, we wok bilong ol em long stap namel man bilong maining kampani na kisim gutpela bilong ol papagraun, tasol ol i nogat laik long kam insait na askim kampani long sindaunim ol pipel gut. Ol i wok olsem ol i stap long peirol bilong kampani. Ol dispela gavman opisa i save skindai na nogat strong tru. Mipela i save askim:

"Ol i dispela lain gavman opisa i wok bilong husat tru? Watpo na gavman i no mekim wanpela samting long tokim Barrick long kisim ol dispela Pogera papagraun i go long gutpela ples?"

Pogera gol main em i bagarapim bikpela busgraun tru. Wara sistem, nau i silip aninit long 200 fut pipia ston na ol wara nogut i go aut 900 yad long arere bilong riva. Antap long dispela, ol pipia nogut

i wok bihainim ol wara i ron i go aut long rot bilong en.

Barrick i save wanem ol hevi em i kamapim olgeta de? Na watpo na ol i no inap kisim ol Tuanda papagraun i go long gutpela ples?"

Samting we i klia long dispela hevi, em ol risos onas i nogat luksave long gavman olsem ol patna insait long ekonomik divelopen bilong dispela kantri. Em, gavman i no save luksave long ol pipel bilong em olsem patna long ekonomik laip bilong kantri. Nogat. Dispela patnasip nau em i namel long nesanel gavman na foren kapitel. Ol pipel i sanap ol yet na nogat luksave long gavman. Ol i mas strong ol yet long lukautim ol yet taim gavman i sanap bak-sait long ol kampani bilong arapela ples, na daunim ol.

Ol risos onas, ol i no sanap ol yet tasol. Ol i nogat maus bilong autim tok na wari bilong ol na long banisim sindaun bilong ol olsem ol papagraun; na long tokaut long hevi ol i gat; na ol i nogat moa rot long banisim gut ples bilong ol. Dispela em i wok kamap wantaim ol senis long Environment Act 2000. Moa yet, gavman i wok long kisim moa strong na ol pipel i wok lusim olgeta strong na maus bilong ol.

Olsem mipela i tok pastaim, patnasip nau i stap namel long nesanel gavman na foren

kapitel. Ol pipel i stap ol yet na ol i rausim ol long opim rot bilong larim mani bilong ausait i kam insait. Yes, mipela i save olsem ol papagraun i save kisim sampela toea long foren kapitel, tasol kain benefit i no inap na i save daunim winmani mak bilong kampani.

Na long wankain taim, pasin bilong nesanel gavman i wok long bihainim laik bilong en long kisim moa mani, na i no harim moa ol pipel bilong en.

Em i luksave bilong mipela olsem bisnis bilong gavman long dispela kantri, nau i wok olsem wanpela praiwet bisnis wantaim ol gavman minista olsem ol Bod ov Dairektas, PM olsem Eksekutiv Siaman bilong Bod, na ol Dipatmen Hetman na hetman bilong ol stuturi institusen olsem ol CEO.

Olsem na wantaim bisnis bilong gavman bihainim ol praiwet bisnis, politisen na ol CEO bilong em i no bilip ol i mas luksave long sindaun bilong pipel. Na taim yu lukluk raun bai yu lukim ol pablik institusen olsem Royal PNG Konstabulari i no wok strong moa; masin bilong jastis i no ron gut; masin bilong gavman i korap pinis, na pipel i nogat moa strong; na ol lain i gat mani bilong baim pablik sevis em ol lain tasol husat i wok long kisim ol gavman kontrak na bikpela pe tru long ol korap kontraksen kampani long Pot Mosbi, we ol i no save mekim gut wok. Olgeta dispela wok i

save gat bikpela grismani i save go long han bilong ol gavman opisa.

Sapos dispela gavman i luksave long ol pipel bilong en, bai yu ken lukim i gat bilip namel long tupela. Politisen i mas mekim wok olsem wasman tasol we em i lukautim opis bilong wasman na mekim wok bilong em bilong givim sevis long ol pipel. Tasol long dispela kantri, dispela i nogat.

Bisnis bilong gavman i olsem praiwet bisnis bilong politisen, ol wanlain bilong em, ol dipatmen hetman na ol bosmanmeri bilong ol stuturi institusen.

Mipela i ken pre tasol olsem politisen i lukluk abrusim laik bilong em yet na luksave long sindaun bilong pipel. Mipela i prea olsem em bai pilim bel sore long ol pipel husat em i mekim tok promis long sevim. Na moa yet, mipela i prea olsem politisen bai tanim bel na luksave olsem i gat ol arapela samting we i bikpela moa, winim mani na olgeta samting mani i ken baim.

Larim ol pipel bilong PNG i kirap na presim God na nem bilong em i holi. Em bai lukluk i kam daun long mipela wantaim sore bikos em i harim krai bilong yumi. Em bai salim ol ensel bilong em long was long yumi, agensim ol politikal hevi na wol gavman na ekonomik pawa bilong ol bisnis patna bilong em long ausait. Presim God!



Pogera gol main em i bagarapim bikpela busgraun tru. Wara sistem, nau i silip aninit long 200 fut pipia ston na ol wara nogut i go aut 900 yad long arere bilong riva.
Antap long dispela, ol pipia nogut i wok bihainim ol wara i ron i go aut long rot bilong en.
Barrick i save wanem ol hevi em i kamapim olgeta de? Na watpo na ol i no inap kisim ol Tuanda papagraun i go long gutpela ples?



This government will favour foreigners with money, but not its people

Porgera gold mine is an environmental disaster of a huge magnitude.

The river system has been buried some 200 feet by rock waste and the spillage has spread some 900 yards from what was once the bank of the river, and on top of that, the tailings are discharged over the river bed and it follows the spillage. Is this Barrick company aware of what damage it has done and continues to do each day? And then, why is it that Barrick cannot relocate the Tuanda landowners to safer grounds?

IN THIS column some weeks ago, we said words to the effect:-

"What is now most obvious is that successive governments in this country are driven by economic considerations when it comes to major resource development in the country. It would seem that the moment they sight the cash flow projections and the moment they realize that monetary benefits to the government will be in millions and billions, they 'drop their pants' and run to the project developer's boardroom, all too eager to give into their demands like massive tax concessions and worse still, tax exemptions. It seems there are never any serious social impact studies or any other considerations for the social well being of the people. All our economic planning and projects are undertaken in a vacuum as if we the people, do not exist."

It seems as if the government's formula for economic development does not encompass the people as the ultimate beneficiaries of the project. This is one of the reasons why successive governments have not stepped in and assisted the people in their fights with major resource developers in this country.

Take the case of the Tuanda Clan of Porgera, and their fights for a fair deal in a relocation exercise where they have to move out of the mining lease and settle elsewhere. The clan has had some 60% of its customary land allocated by the government to the mining

company (Barrick), under a special mining lease and the remaining 40% is not habitable so the clan has nowhere else to go to. Thus, right now, the villagers are camping atop mountain tops whilst the mining company is tearing the mountains away and using the river system as a disposal site for the rock waste and the tailings from the mine. The company has not made any attempts to resettle the people elsewhere and out of the mining site.

And the government officers, whose job is to liaise with the mining company for the benefit of the landowners do not appear to have any inclination to step in for the people and demand that the company relocate them to a safer environment. They all act like they are on the company's payroll. For some unknown reason these government officers seem rather lethargic, impotent and powerless. We ask: Whom are these government officers acting for? And why is it that nothing is being done by the government to force Barrick to relocate these Porgera landowners to safer grounds?

Porgera gold mine is an environmental disaster of a huge magnitude. The river system has been buried some 200 feet by rock waste and the spillage has spread some 900 yards from what was once the bank of the river, and on top of that, the tailings are discharged over the river bed and it follows the spillage. Is this Barrick company aware of what damage it has done and continues to do

each day? And then, why is it that Barrick cannot relocate the Tuanda landowners to safer grounds?

What is most obvious from the above case scenario, is that the resource owners are not treated by the government as partners in the economic life of this country. Rather, the partnership now is between the national government and foreign capital. The people are isolated and ignored by the government and forced to fend for themselves whilst the government will side with the foreign company against the interests of its own people.

The resource owners are not only isolated. They are also being deprived of a voice to speak for themselves in defence of their status as resource owners; and a voice to air their concerns for their social wellbeing; and they are also deprived of their rights to defend their physical environment. This is the obvious effect of the recent amendment to the Environment Act 2000. More and more, the government is getting more powerful and the people are getting weaker and powerless.

As we said earlier, the partnership now is between the national government and foreign capital. The people are isolated and kept at bay to allow foreign capital to work wonders for the government. Yes, we concede that the resource owners do get monetary

benefits from foreign capital, but such benefits are meager and constitute an incidental expense item in the company's profit and loss account. Meanwhile, the national government's inaction is driven either by lust for foreign capital or by a sense of indifference to the wishes of its people, or both.

It is our view that the business of government in this country is now conducted like a private business enterprise with the government ministers constituting the Board of Directors, the PM being the Executive Chairman of the Board, and their Departmental Heads and Heads of statutory institutions acting like big-time CEOs.

Thus, with the business of government conducted along the lines of a private business enterprise, the politician and his CEOs do not feel that they have any social obligation to the people. Meanwhile, take a look around and you can see that public institutions like the Royal PNG Constabulary is defunct; the machinery of justice is totally ineffective and self-serving; the machinery of government is corrupted; the people are poor and powerless; and those with money to buy their way around bureaucracy are the only people who can access government contracts for mega bucks and the most obvious ones are the corrupted construction companies in Port Moresby known for their sloppy road construction works and hefty contract payments with a huge bribery component to cater for the govern-

ment facilitators.

If this government were faithful to its people, one would see a relationship of trust between the government and its people. The politician ought to play the role of a trustee holding office of guardianship and under obligation to discharge his duties as a trustee strictly for the benefit of the people who are the beneficiaries of the trusteeship. Alas, it is not so in this country. The business of government is conducted like a private business enterprise for the benefit of the politician, his associates, the departmental heads and heads of all statutory institutions.

We can only pray that the politician looks beyond his personal interest to acknowledge the people and their plight in this cruel world of money and materialism. We can only pray that the politician feels a sense of compassion for the people whom he has sworn to serve. And most of all, we can only pray that the politician, with grace, undergoes a 'change of heart' to realise that there are other ideals of a higher order, greater than money and what money can buy.

Let the people of Papua New Guinea rise and praise God for his name is Holy. He will look down on us with compassion for he has heard our cries. He will send his Angels to guard over us against the political might of this worldly government and the economic power of its foreign business partners. Praise be to God!



POSTA RESIS

YUNIVESAL DEKLARESEN LONG OL RAIT BILONG YUMI OL MANMERI

“Yumi olgeta manmeri i bon fri na i gat wankain luksave na rait”

Yunaitet Nesens long PNG i askim ol pikinini long kamapim ol posta i soim piksa long wanpela o moa long wanpela ol Atikel insait long Yunivesal Deklaren bilong Humen Raits long makim Intanesenel Humen Raits De long Desemba 10.

Insait long Yunivesal Deklaren bilong Humen Raits, Yunaitet Nesens i tok klia long ol rait bilong wan wan manmeri. Dispela em ol rait bilong yu. Save long olgeta rait bilong yu. Helpim long promotim na banisim ol bilong yu yet na ol arapela.

Olgeta posta i mas go long: UN House, Deloitte Tower, Douglas Street, PO Box 1041, N.C.D. pastaim long 26 Novemba, 2010. Yu mas makim klia “Human Rights Poster Competition”.

Ol prais bai go long ol posta we i winim olgeta ol arapela. Ol bai soim long ples klia long wanpela pablik eksibisen long Desemba 10, na bai ol i prinin na salim i go aut long kantri.

Yu ken ringim UN House long 321 2877 long kisim moa toksave.

(Lukim pes 10 na 19 bilong kisim Yunivesal Deklaren ov Humen Raits pulaut)

Kristol Repits em ples bilong Malolo na Amamas

Nicky Bernard i raitim

YU painim hap bilong malolo? Noken wari i gat planti hap long kisim malolo wantaim ol famili bilong yu sapos yu les long stap long taun bihain long olgeta de yu save go wok.

Kristol repits em wanpela biknem ples, planti manmeri na pikinini insait long Mosbi na Sentral provins bai save long dispela nem, em ples we ol manmeri na pikinini save go na malolo long taim bilong wiken.

Dispela ples i gat bikpela kol wara, we i ron kam daun long ol liklik han wara long ol

maunten bilong Sogeri, i gat ol bus diwai i raunim long sait sait we yu ken pulim gutpela kol win, i gat tu liklik hap ples bilong pilai we ol pikinini bai amamas long pilai long em.

Long wik i go pinis, Gavana bilong NCD, Powes Parkop i opim dispela hap, we em i putim sampela mani long sanapim ol ples we yu ken kukim mit, kakaruk, sosis na ol sampela kaikai na tu em sanapim sampela ol liklik haus win we yu ken sindaun na kisim win o kaikai insait long en.

Kristol repit i gat nem long planti ol sumatin husat bipo save go skul long bikpela skul long

Sogeri, dispela liklik ples save pulim ol sumatin long wiken long go waswas kisim kol win na bihain long avinun ol save go bek long ples bilong skul.

Gavana bilong NCD tu save go long dispela hap taim em i bin skul long Sogeri, dispela hap i pulim tingting bilong em, na nau em yet i stailim dispela ples we bai pulim planti turis long go long en.

Krismas i kam klostu nau, wanem hap yu tingting long mekim krismas pati bilong yu o kampani bilong yu, wanpela hap yu ken tingim em kristol Repits, 45 minit draiv long kisim yu go long dispela hap.



BEFA KETERING: Ol lapun mama save gat stail long bilasim kaikai, Yumeri Yarea em bilong Koiari insait long Sentrol provins, em na grup bilong em Befasave kukim kaikai bilong bikpela bung antap long Sogeri, long wik i go pinis lapun mama Yumeri wantaim grup bilong em i kukim kaikai bilong ol bik manmeri husat i go opim Kristol Repits piknik ples.

Lukim moa piksa long pes 16...

PLES BILONG MALOLO: Daunbilo, Sampela long ples lain kisim win long win haus



DO YOU WANT TO KNOW MORE ABOUT THE MDGs?

COME TO THE UN & UPNG MDG FAIR

DATE: 21 OCTOBER
TIME: 10AM -4 PM
PLACE: UPNG CAMPUS


THERE WILL BE LOTS OF ENTERTAINMENT!!!

OPEN TO ALL!



- 1. End Extreme Poverty and Hunger
- 2. Achieve Universal Primary Education
- 3. Promote Gender Equality and Empower Women
- 4. Reduce Child Mortality
- 5. Improve Maternal Health
- 6. Combat AIDS, Malaria and other Diseases
- 7. Ensure Environmental Sustainability
- 8. Strengthen the Global Partnership and Development





Nakiisha laik helpim ol turangu pikinini ...Winim Little Princess of the World resis

Veronica Hatutasi i raitim

Nakiisha J Kakas.

WANPELA liklik pikinini meri i soim bikpela laik na go aut long helpim ol narapela pikinini we papamama i dai lusim ol, i sot long ol samting na i stap long hevi.

Dispela liklik meri em Nakiisha Josephine Kakas, na em i gat 11-pela krismas na em i hapkas Hela long Sauten Hailans na Wabag long Enga provins.

Nakiisha nau i holim taitel bilong 2010 "Little Princess of the World" bi-hain em i winim resis we PNG Children's Faundesen i bin holim long dispela yia. Em i winim 4-pela narapela liklik pikinini meri i bin sanap long dis-

pela resis.

Faundesen i save putim kamap resis olgeta yia long kamapim mani bilong PNG Childrens Foundation long helpim ol pikinini i sot long kaikai na tu, putim long skul ol dispela pikinini we papamama i dai na i nogat skul fi wantaim ol dispela we papamama i sot long mani na i no inap putim pikinini i go long skul.

Sampela ol narapela projek we faundesin i helpim em long givim kaikai long moa long 200 pikinini i gat sik bun nating long 6 Mail na Morata, givim ol matres samting i go long Wod bilong ol Pikinini long Pot Mosbi Jenerel Haus

sik, helpim peim skul fi bilong ol pikinini i nogat papamama na tu, ol dispela we papamama i sot long mani bilong peim skul fi, wokim selblok bilong mama na bebi bilong ol long Bomana haus kalabus, givim ol skul steseneri na saplai i go long ol skul i stap longwe na helpim wanpela viles long Gerehu long sanapim wel long kisim gutpela wara saplai.

"Mi bin go insait long resis long helpim ol narapela pikinini i stap long hevi na tu, long bildim "self confidence" o pasin long gat bilip long mi yet na kisim strong long toktok na autim tingting wantaim nogat sem.

Salens long ol yangpela long wok hat na skruim skul bilong ol...Hatwok i karim kaikai

WANPELA yangpela meri long Jiwaka provins husat i pinisim pos greduet (post graduate) Mastas digri bilong em long Nu Silan i laikim planti moa yangpela man na meri long skruim skul i go moa long stadi long level i go antap moa yet.

Cathy Bolinga, bilong Nondugl viles long Jiwaka, em i greduet long Septemba 28, 2010 long Yunivesiti bilong Auckland long Nu Silan wantaim Mastas ov Ats long Developmen Stadis i tok las wik long Auckland:

"Mi laikim ol yangpela lain, na moa yet ol meri mas kisim salens long skul moa yet i go antap long

pos greduet level.

"Yu bai no inap lukim dispela bikpela wol sapos yu no skul i go moa yet.

"Mi bilip tru olsem yu inap long winim wanem samting yu laik long mekim insait long pasin bilong lainim samting, mekim gutpela tingting na save na wantaim stia bilong Bikpela Papa God", Cathy i tok.

Laip bilong Cathy i no stat isi. Cathy em las bon long famili bilong em na mama bilong em i dai taim em gat 9-pela mun tasol. Papa Steven Bolinga, wanpela eks-polisman i lukautim kopi gaden bilong

em long sapatim Cathy na ol arapela long famili long go long skul.

Cathy i winim nambawan skolasip bilong em taim em pinis long gret 10 long Minj Hai Skul. Em wantaim sampela arapela sumatin i bin go long wokim Gret 11 na 12 long Australia. Bihain long em pinis, em kam gen na skul long Yunitek. Long 2002 em i greduet wantaim digri long Komunikesen Stadis na Developmen na wok wantaim ol non gavman oganaisesen (NGO).

Long 2008, Cathy i bin aplai long wanpela skolasip long Nu Silan na winin na em go stadi long Yunivesiti bilong Auckland long wokim Mas-

tas ov Ats long Developmen Stadis. Dispela skolasip em i kam olsem Esien Developmen Beng-Japanis Skolasip Progrem. Taim em i skul stap, em tu i winim Nu Silan Pos Greduet Stadi Abrod Awod long Edukesen Nu Silan long 2009.

Taim Cathy i pinisim Mastas program bilong em, em i pinis wantaim fes klas onas (First Class Honours). Cathy i tok ol samting i kamap gut long em bikos long God. Em tu i amamas long sapat em kisim long papa bilong em na ol arapela famili lain. Nau yet Cathy i wok stap long Niu Silan.

Cathy i bilip dispela kain gutpela



HATWOK NA BILIP: Cathy Bolinga long greduesen de bilong em long Auckland Yunivesiti, Nu Silan.

we bilong winim skul em olgeta yangpela i ken wokim tu sapos ol redi long wok hat wantaim bilip long God.



Pablik Notis

SUPARENUESEN KONTRIBUSEN BILONG OL KESUAL WOKMANMERI

Sapos yu wanpela kesual o ansileri staf o wokmanmeri i holim dispela wok moa long tripela mun na yu stap long peirol moa long tripela mun, aninit long Lo, yu mas givim kontribusen i go long Suparenuesen bilong bihain taim bilong yu.

Lo bilong Suparenuesen i karamapim olgeta wok bisnis we i gat moa long 15 wokmanmeri, na olgeta wokmanmeri i mas kontribut long wanpela Suparenuesen Fan bihain long ol i wok tripela mun na i go het, maski ol i kesual, o ansilari wokman. Dispela em wanpela luksave mak tasol.

Sapos yu wok moa long tripela mun olsem wanpela pemanen, kesual o ansilari wokmanmeri, tasol i no wok kontribut long seving bilong yu, yu mas kwiktaim toksave long Human Risos o Peirol opisa bilong yu long stat kontribut i go long Nambawan Super Limited. (Tingim olsem long olgeta wan kina yu kontribut, kampani i mas givim K1.40 long makim yu). Olsem, ol kontribusen; em bisnis/kampani bai peim 8.4% na ol wokmanmeri bai peim 6%. Mipela i laik tokim ol bisnis/kampani husat i gat aninit long 15-pela wokmanmeri long kontribut i kam long Nambawan Super Limited. Sapos yu (bisnis/kampani) i no bihainim dispela Suparenuesen Lo, bai i gat penalti na yu ken kamap long kot.

Tok orait i kam long

**Leon Buskens
Menesing Dairekta**

Long kisim moa toksave, yu ken ringim ol dispela lain:

HEAD QUARTERS Ground Floor, Era Rumana P.O. Box 483, Port Moresby National Capital District Ph: 309 5311 Fax: 321 4406 Email: nscom@nambawansuper.com.pg	MOMASE REGION - LAE Ground Floor, Vele Rumana PO Box 12189, Lae, Morobe Province Ph: 472 2272 Fax: 472 4536 Email: nsae@nambawansuper.com.pg	HIGHLANDS REGION - MT HAGEN Suite 1, Ground Floor, Gapina Building PO Box 1574, Mt Hagen, Western Highlands Province Ph: 542 1182 Fax: 542 1186 Email: nshagen@nambawansuper.com.pg	NEW GUINEA ISLANDS REGION - KOKOPO Sec 5 Lot 19 Togigira Street, Kokopo PO Box 606, Kokopo, East New Britain Province Ph: 982 8600 Fax: 982 8601 Email: nslakau@nambawansuper.com.pg	Nambawan Super Goroka Suite 32, Level 1, Gouma Centre, Elizabeth Street PO Box 757, Goroka, Eastern Highlands Province Ph: 532 1224 Fax: 532 1918 Email: nsgoroka@nambawansuper.com.pg	Nambawan Super Alotau Ground Level, Chescorp Building, Sec 21 Lot 10 P O Box 727, Alotau, Milne Bay Province Ph: 541 0671 Fax: 541 0587 Email: nslakau@nambawansuper.com.pg	Nambawan Super Buka Suite 2, Level 1, Matahehe Building P O Box 19, Buka, Autonomous Region Bougainville Ph: 973 9801 Fax: 973 982 Email: nslakau@nambawansuper.com.pg	Nambawan Super Madang Suite 14, Level 1, Beckisia Plaza P O Box 142, Madang Madang Province Ph: 422 0244 Fax: 422 0255 Email: nsmadang@nambawansuper.com.pg	Nambawan Super Kavieng Ground Floor, Durima Building P O Box 567, Kavieng New Ireland Province Ph: 884 2511 Fax: 964 2612 Email: nslakau@nambawansuper.com.pg	Nambawan Super Kimbe Level 1, Hamamas Trading Building P O Box 593 Kimbe West New Britain Ph: 883 5450 Fax: 883 5101 Email: nslakau@nambawansuper.com.pg
--	---	--	---	--	---	--	---	---	--



AMAMAS: Ol skul sumatin na komyuniti bi-long ples Kanampa long Isten Hailans provins i amamas tru long kisim tupela nupela klasrum bi-long Elementeri level long dispela wik wantaim helpim mani bilong Dijisel Faundesen. Foto: Dijisel Midia

PNG bai givim 20 skolasip long ol Pasifik na PNG sumatin

Veronica Hatutasi i raitim

SAMTING olsem 20 sumatin long Papua Niugini na Pasifik rijen bai kisim helpim long skolasip we gavman bilong PNG bai givim i go aut, Praim Minista na Gren Sif, Se Michael Somare i tok.

Se Michael i bin tok olsem long dispela wik Tunde taim em i opim namba 8 konprens bung bilong ol Pasifik Forum Edukesen Ministas bung (FEEdMM) long Se John Guise Stadium.

Em i tok PNG i gat wok long lukim olsem ol yut long Pasifik i gat save long mekim wok na resis long kain stap yumi gat tude long wol.

“Olsem na mi amamas long makim gavman bilong PNG na 6.5 milion pipel long tok olsem 20 ful skolasip bai go aut long wan wan yia long ol yut na sumatin long Pasifik rijen em PNG i stap insait long en, long kam skul long ol teteri skul long PNG,” Se Michael i tok.

Ol sabjek we dispela skolasip bai sapatim ol sumatin long skul long en em long ol saiens na teknoloji sabjek olsem kemistri, baioloji, fisiks, matematiks, marin na environmentel saiens, jioloji, agrikalsa saiens, komyunikesen, ICT na marasin.

Se Michael i tok Pasifik Ailan Forum Sekreteriet bai lukautim ol wok long glasim na skelim na givim ol skolasip i go aut long ol sumatin.

Se Michael i tok tu olsem Pasifik

rijen i lukim mak long ol pipel i go antap long laspela 40 yia. Na moa long 50 pesen em ol yut o yangpela pipel.

Olsem na em i tok yumi mas wok bung wantaim long kamapim ol program na sistem we ol yut i mas stap long ol long nesanel na rijinel level. Em i tok moa tu olsem em i wari long ol pipel long Pasifik rijen bikos em i hat long lukautim gut ol famili, laip na sindaun bilong ol long wanem, ol i no kisim gutpela helt

sevis, edukesen, lo na oda i wok long go bagarap na nogat gutpela rot long ol maket i mekim mak long sindaun i no gutpela.

“Ol dispela em ol bikpela samting i save kamapim planti salens long ol gavman na pipel long Pasifik rijen. Antap long dispela ol salens, em ol salens long “globalization” o wok bung wantaim wol, i wok long kamapim sampela hevi long kain stap bilong ol pipel long Pasifik rijen,” Se Michael i tok.

Se Arnold salensim Helt Dipatmen long nupela helt plen

GAVANA bilong Madang, Se Arnold Amet i tromoim salens i go long Helt Dipatmen long go hetim nupela Nesanel Helt Plen 2011-2020 taim plen bilong pas-taim i feil long etresim helt sistem i wok long stap long hevi.

“Helt i wok bilong yumi olgeta,” Se Arnold i wokim wankain tok olsem Helt na HIV/AIDS Min ista, Sasa Zibe taim em bin opim namba wan woksop long go hetim nesanel helt plen ol bin holim long Madang wanpela wik i go pinis.

“Tasol mi pret olsem planti long yumi i save tromoim toktok nating long dispela hap tok.” Se Arnold i bin tok taim em i glasim helt sevis long kantri i no ron gut tumas.

Wol i kamapim eksen plen long inapim ol MDG long 5-pela yia i kam

Veronica Hatutasi i raitim

GUTPELA helt bilong ol mama na pikinini na pipel long kantri i save long rit na rait bai helpim putim mak na piksa bilong kantri i go antap glasim wantaim rijen na wol.

Olsem na Yunaitet Nesens (UN) em dispela wol bodi i save was long ol kantri long wol na pipel i mas gat gutpela sindaun, gutpela helt na edukesen, save long rit na rait, fridom, luksave long humen rait bilong olgeta manmeri na daunim pasin turangu long wol.

Taim ol wol lida i bin bung long Nu Yok las mun long glasim na skelim sapos ol gol ol bin makim long yia 2000 long wol i mas inapim long yia 2015 long daunim pasin turangu, olgeta pikinini i gat inap krusmas i mas go long skul na daunim mak

long dai bilong ol bebi i gat krusmas namel long wanpela de inap long 5-pela yia na daunim mak bilong ol mama i dai taim ol i karim bebi, ol i painim olsem planti ol kantri i wok long develop yet i painim hat yet long inapim ol dispela gol ol i kolim long Milenium Developmen Gol (MDG).

Long wankain taim tu, ol wol lida i lukim olsem maski wol i bungim hevi long mani, sampela wok go het i bin kamap long daunim turangu pasin, moa pikinini i gat sans long go skul, helt bilong ol mama na pikinini i wok long kamap gut long planti kantri na olsem, ol lida i lukim olsem ol kantri i ken in apim ol 8-pela gol.

Long UN bung tupela wik i go pinis long Nu Yok, ol wol lida i bin kamapim globol eksen plen long inapim 8-pela

egensim pasin bilong turangu gol long inapim 2015 taget. Na ol i tokaut long nupela na bikpela komitmen long kamapim gut helt bilong ol meri na pikinini na tu, ol narapela samting long daunim turangu, hangere na ol sik.

Komitmen i stap long dokumen “Keeping the Promise: United to Achieve the Milenium Development Goals” o, Noken lusim tingting long promis: Wok bung wan taim long inapim ol Milenium Developmen Gols.

Long hariapim wok long ol kantri i mas wok hat long inapim ol gol kam 2015, na moa yet, helt bilong ol mama na pikinini, ol lida bilong ol gavman long sampela ol bikpela na liklik kantri long wol, ol praiwet sekta lain, ol faundesen, ol intanesanel ogenaisesen na ol sivil sosaiti na risets

ogenaisesen i tok promis long givim helpim wantaim moa long US\$40 bilion mak bilong ol risos long 5-pela yia i kam.

Global Strateji o Plen long Helt bilong ol meri na pikinini- we Jenerel Sekreteri bilong Yunaitet Nesens, Ban Ki-moon i go pas long en, i ken seivim laip bilong moa long 16 bilion pikinini, ol mama na ol meri, stopim moa long 16 33 milion pikinini long sik numonia, 88 milion pikinini i no gro gut bikos logn sik bun nating, strongim wok long kontrolim ol sik i kilim dai planti manmeri na pikinini olsem malaria, HIV/AIDS na lukim olsem ol meri na pikinini i kisim gutpela kwaliti helt sevis na ol mansave long helt sekta.

Pasifik rijen laikim moa yangpela long kisim TVET trening

Veronica Hatutasi i raitim

“TVET o Teknikel, Vokesenel na Edukesen Trening i bikpela samting bai givim wok long planti yut long PNG na rijen,” Praim Minista Se Michael Somare i tok.

Na em i skruim tok i go moa olsem moa wok, mani na ol risos i mas go long trenim ol yangpela long Pasifik rijen long dispela eria bikos wanpela samting moa gen em rijen i sot long ol save man long teknikel eria.

“Piksa em PNG i laikim 40,000 na moa man i gat trening na save long wok kapenta o karma, ol buldosa draiva, ilektrisen, ol brikleya long wok long ol rinyuwabel na non rinyuwabel ikonmik sekta.

“TVET em i masta ki bai opim ol dua long planti ol yut bilong yumi long painim wok long ol eria i wok long gro hariap. Olsem na yumi mas strongim na sapatim gut TVET edukesen sistem na bai yumi gat moa man save long wok long dispela eria long (Pasifik) rijen,” Se Michael i tok.

KDCA laik strongim sios wok long LNG projek eria

James Kila i raitim

WOK bilong sios i mas go het strong insait long ol likwifait netserel ges (LNG) projek eria long helpim ol manmeri long stap strong long Kristen bilip bilong ol.

Dispela em bikpela toktok siaman bilong Komo Distrik Sios Asosiesen (KDCA), Pasto Peperaya Kupali, i mekim taim em i givim stori long Wantok Niuspepa i no long taim i go pinis.

Pasto Peperaya i mekim dispela toktok taim em wantaim ol eksekutiv bilong KDCA i givim bikpela tok tenkyu i go long Siaman bilong Hela Trensisenel Atoriti na Minista bilong Edukesen, James Marape husat i tokaut long K250,000 helpim i go long Hela kaunsil bilong Sios.

Mista Marape i tokaut olsem dispela mani bai go long helpim wok bilong ol sios long Hela rijen.

KDCA em asosiesen we i rejista wantaim Invesmen Promosin Atoriti (IPA) long 2006 na ol memba i bilong planti ol sios long Komo distrik olsem Katolik, Seven De Adventis (SDA), Baptis, ECPNG, Wesleyan sios, CBC na ol narapela Kristen sios insait long Komo distrik em LNG projek i kamap long en.

Pasto Peperaya i tok olsem sios em i maus bilong Komo LLG na ol pipel na sios i save sanap strong



STRONGIM SIOS: Ol memba bilong Komo Distrik Sios Asosiesen i soim sabmisin pepa bilong ol i go long ol Hela MP long strongim sios wok long LNG eria. *Poto: James Kila*

na pait long ol sosel hevi na ol narapela samting we ol manmeri i mas mekim long stap gut long komuniti na sosaiti bilong ol.

"Mipela ol sios asosiesen i maus bilong Komo LLG na mipela save sanap strong long helpim na bringim sosel, ikononik na developmen long sait bilong spirit long helpim ol manmeri long wan wanes na haus lain," Pasto Peperaya i tok.

Pasto Peperaya wantaim ol ek-

sekutiv bilong em i bin kam long Mosbi long putim wanpela sabmisin long ol MP bilong Hela long sapotim ol long go het long mekim wok bilong sios asosiesin long LNG projek eria.

Ol eksekutiv bilong KDCA husat i bin go long Mosbi em Pasto Halia Tara (tresera SDA sios), Pasto Andi (Baptis sios), dikon Paiawe Tilia (Baptis sios), John Kamea (SDA) na pablik ofisa bilong

asosiesen Robert Apuli.

Komo distrik em wanpela eria we bikpela LNG projek developmen bai kamap na planti manmeri bai lukim bikpela mani i go insait long eria, tasol wok bilong spirit olsem sios wok i mas stap strong olsem na KDCA i laik strongim wok moa long helpim ol manmeri na pikinini long Komo distrik na Hela rijen long sanap strong long Kristen bilip bilong ol.

Wokabaut bilong PNG AOG grup long Israel i go gut

Veronica Hatutasi i raitim

WOKABAUT bilong wanpela Asembli ov God (AOG) grup bilong PNG i go long Holilen (Holy Land) O Israel i wok long go gut tasol we 70 long ol i raun wantaim ol narapela wan lotu bilong ol long ol narapela kantri long Esia na Pasifik.

Bosmeri bilong Word Pablisng kampani, Elizabeth Konga, i wanpela long ol PNG AOG grup i bin lusim PNG long las mun long dispela tripela wik Holilen wokabaut na ol bai kam bek long tumora, Fraide.

Mis Konga i tok ol i holim ol konprens bung, sea,pre na lukim ol ples i stap long Baibel we God i bin putim hanmak bilong em na tu, Jisas i bin stap, wok na dai long em.

"I nogat taim bilong stap nating na mipela i bisi stret long dispela wokabaut bilong mipela. Ol konprens bilong mipela i bin pinis long las wik Fonde na long (las wik) Fraide na Sarere,

mipela i raun long olgeta hap bilong Israel long lukim ol holi ples. Mipela i go long bot (boat) tu long Solwara bilong Galili (Sea of Galilee).

"Long Sande, ol Isten kantri we PNG i stap insait long en i bin holim wanpela kombain sevis. PNG i bin go pas long preis na wosip sevis na Pasto Tony Dalaka i bin autim Tok. Long nait, mipela i bin wokim kaikai (banquet) bilong luksave long ol Jew i stap laip yet bihain long pasin lida bilong kantri Gemeni em Adolf Hitler na gavman bilong em i bin killim moa long milion pipel bilong Israel o ol Jew moa long 60 yia i go pinis. (Ol i kolim dispela long "Holocaust" we aninit long en, ol i kalabusim ol Jew pipel long konsentresen kem na putim on ges na kilim dai planti milion long wanpela taim).

"Samting olsem 500 ol Holocaust sevaiva i bin kam long bung kaikai. Planti i lapun tru, ol i no inap harim gut toktok na sampela i no save long

tok Inglis. Mipela i givim ol presen i go long wan wan bilong ol. Mi laki tru long sindaun kaikai wantaim 5-pela long ol. Bikos long samting we ol German i mekim long ol, ol i no laikim stret ol Kristen. Na ol i sutim tok long God long no helpim ol long tai mol bin stap long bikpela hevi tru.

Dispela ol hevi na nogut taim stret long laip bilong ol em ol pikinini na bubu bilong ol i karim na tingim i stap na bai stap long histri bilong ol Jew pipel.

Wokabaut na eksperiens mi wokim long Holilen em samting mi no inap lusim tingting long laiptaim bilong mi," Mis Konga i tok.

Pop Benedict givim luksave long wok bilong ol Katolik meri

LUKSAVE i go long kontribusen bilong ol Katolik meri long wok ol i mekim long sios, developmen bilong pipel na sosaiti na bel isi pasin long wol.

Hetman bilong Katoki Sios long wol, Pop Benedict 16 i givim dispela luksave bihainim bung bilong samting olsem 500 meri memba bilong Wol Yunien long ol ogenaisesen bilong ol Katolik Meri (WUCWO) i bung nau long wanpela wik asembli long Jerusalem, Holilen long makim 100 yia bilong ogenaisesen.

Pop Benedict 16 i autim bikpela tok tenkyu na luksave

long planti blesing sios i kisim long wok bilong ol Katolik meri i wok long olgeta hap bilong wol, kamapim ol senis na autim Tok long Gutnius na bihainim.

Em i tok insait long 100 yia taim WUCWO i wok i stap, ol memba i wokim bikpela kontribusen long wok misin bilong sios long lokol, nesanel na intanesenel level.

Ol meri i bin laik selebretim 100 yia we ogenaisesen bilong ol i sevim sios long en wantaim asembli bung long ples yet we Jisas i bin wokabaut na stap long en.

Wanpela wik bung i bin stat long las wik Tunde, Oktoba 5, na i bin pinis long dispela wik Mande, Oktoba 11 long Pontifikal Institut, Notre Dame long Jerusalem, wanpela stetmen long ogenaisesen i tok.

WUCWO i makim moa long 5 milion meri husat i strongim wok long moa long 100 ogenaisesen bilong ol Katolik meri long wol.

Pontifikal Kaunsel bilong Leiti i luksave olsem yunien em i pablik intanesenel asosiesen bilong ol lotu meri.

Stetmen i tok grup i selebretim 100 yia "sevis ol meri i



Indipendens i min wanem samting long mi

I NO longtaim i go pinis, yumi bin selebretim 35 krismas long makim bonde bilong kantri bilong yumi.

Yumi bin lukim wanwan provins long ol gutpela na kainkain kala olsem gol, yelo, wait na blek long mekim samting i gat as tingting long kantri bilong yumi PNG.

Em i soim yumi olsem long hat wok, tras, na pasin bilong bung wantaim, yumi lukim sampela kain nupela mak na senis moa i laik kamap long kantri bilong yumi PNG.

Hia long NCD mi bin lukim olsem, i no gat wanpela man o meri i wokabout nating, wanwan long skin bilong ol i mas i gat gutpela bilas bilong ol long wanwan kastom bilong ol, na tu mak bilong PNG flak i mekim na mi mangal gut tru. Dispela pasin mangal i no kam long tingting bilong mi, nogat, em i kam stret long lewa bilong mi wantaim aiwara na amamas. Em i soim mi olsem em i trupela mak bilong kantri bilong yumi PNG na trupela mak bilong senis.

Tru tumas, sapos wankain mak na bilas i kamap long wanwan Kristen manmeri, pikinini, lapun ol biksot long wanwan dipatmen, ol opisa, ol ilekter memba long haus tambaran na yumi sios lida bai yumi lukim bikpela senis tru bai kamap.

God bai mangalim yumi gut tru. God bai no inap mangalim yumi nating sapos gutpela bilas i stap nating long skin tasol, nogat, God i laik mangalim yumi sapos yumi gat gutpela bilas long lewa bilong yumi, olsem pasin bilong tok tru na stretpela pasin bilong harim na pulumapim tok, pasin bilong wok bung na hatwok, pasin bilong beten na pas wantaim Jisas, pasin bilong bel isi na pasin bilong helpim, pasin bilong autim tok tru na bringim i go long arapela manmeri na pasin bilong bung wantaim Jisas Kraus.

Long dispela rot tasol God bai mangalim hat o lewa bilong yumi na bai yumi inap lukim ol bikpela mak na senis insait long independen fil bilong yumi na bai God i mangalim yumi.



Jada 2010!

WANTOK KOMENTRI

'Chief', divelopa na liklik man bilong ples

YUMI bin asua long wanem hap kona tru na nau, yumi gat ol lida i strong long lukim kamap bilong wanpela bikpela risos projek tru, na ol i no moa tingting long krai bilong ol liklik manmeri long ples.

Bipo, taim dispela kain pasin i bin kamap, ol asples yet i kirapim pait, na klostu dispela pait i brukim kantri bilong yumi.

Long Madang, tumora, Fraide 14 bai lukim wanpela asples bilong Madang yet i go long kot agensim divelopa bilong bikpela Ramu Nikel projek.

Insait long dispela projek, ol i gat plen bilong pamim rausim ol pipia bilong main i go insait long solwara bilong Madang.

Taim namba wan kot agensim kampani i bin kirap sampela mun i go pinis, i bin gat planti toktok na sapot tru i kam long kain kain kona bilong kantri long ol fopela papagraun husat i bin sanap na go pas long dispela kot pait.

Yumi save long stori bilong ol dispela lain pinis. Pastaim, wanpela i bin lus, na taim tripela arapela i bin redi long go long kot na pait agensim kampani, mipela i bin kirap nogut long ol i senisim tingting bilong ol.

Mipela long ausait bai lukim olsem dispela tripela man i bin tanim bel gen bikos ol i no inap long strong bilong kampani na gavman.

Tasol long ol manmeri i stap long Madang yet, ol i save long narapela stori.

Mipela i kisim ripot olsem i gat ol lain mausman bilong divelopa kampani i wok long go long hauslain bilong Louis Medaing, na mekim kain kain tok pret long ol bai bagarapim sindaun bilong ol na ol wanfamili bilong ol i wok long projek bai lusim wok bilong ol.

Ol i mekim dispela bikos ol i laikim Medaing long lusim dispela kot bilong em agensim kampani na gavman.

Long dispela projek, i luk olsem olgeta rot i bin stap long gavman long traim lukluk long krai bilong ol asples na stretim samting, i no moa stap.

Wanpela rot nau ol i bihainim, em long yusim ol arapela man Madang yet, wantaim ol projek divelopa long pretim ol man olsem Medaing, bai projek i ken go het.

Olsem praim minista Somare i bin tok taim dispela olgeta hevi i bin bruk, na projek i bin brek i kam inap nau, 'Yumi bai lusim planti billion kina long dispela projek, sapos em i no kirap'.

Dispela kain toktok, em i toktok bilong kliarim antap tasol, na bekim askim.

Tasol hamas mani tru bai yumi lusim, na long wanem as tru bai yumi lusim dispela mani, yumi no save yet.

Ating gavman i mas tokaut long watpo tru na ol i guria stret long dispela main i mas kirap na mekim wok.

Na liklik man bilong ples bai olsem wanem, taim ol pis long solwara bilong em i dai, na i nogat moa pis o solwara abus i stap? Yumi mas askim 'Chief'.

Wok bihainim driman bilong Visen 2050

LAS wik 35 independens bilong Papua Niugini i mekim sampela mining long yupela ol pipel o nogat? Dispela askim em lida bilong yumi wantaim ol savelain husat save mekim ol bikpela disisen na senisim ol Lo bilong kantri i mas tok klia long yumi.



senis ol pipel na kantri bai go long en em gavman i taitim insait long dispela nesenel plen o Vison 2050.

Em i olsem yu wokim plen bilong haus na yu baim ol timba palang, nil na kapa na ol samting pinis orait amas rum bai yu wokim na veranda bai sanap long we na amas windua bai yu wokim. Olgeta samting ya bai kamapim dispela plen bilong yu long kamapim dispela haus we laikim long en taim em pinis.

Orait las wik em 35 independens bilong kantri na husat lida bilong kantri i tokaut stret long wanem rot na plen bai PNG i bihainim stat long nau i go?

PNG i gat planti hevi na bagarap i stap na yumi mas stretim long kamapim gutpela rot bilong yumi wokabout long en na go bungim dispela Vison 2050. Ol hevi stap long ol bikpela sevis

olsem Edukesen we planti yangpela i pinisim long Gret 10, Gret 12 na ol Koles na Yunivesiti na nogat hap moa long go o nogat wok long kisim. Wanem plen bilong Edukesen sistem bilong yumi long stretim rot bilong Edukesen bilong ol yangpela bilong yumi long kamap na bungim nesenel plen o Vison 2050?

Edukesen Minista na ol bosman bilong Edukesen dipatmen mas tokaut klia long wanem rot na mak ol redim bilong Edukesen i ron long en.

Helt sevis bilong yumi i no gutpela yet. Planti manmeri kisim sik na dai long malaria, numonia na ol arapela sik we marasin i stap pinis long stretim.

Planti manmeri nogat inap mani long poket long baim skul fi na ol samting long stua olsem sop, bilong waswas, bilas bilong werim na ol marasin bilong helpim ol yet. Wanem rot i stap long helpim ol pipel painim mani long helpim ol yet wantaim famili bilong ol? Ating LNG projek bai givim

wok na royalti mani long olgeta pipel bilong PNG we ol pipel bai i gat mani nau long helpim sindaun bilong ol na famili bilong ol.

Lo na oda em bikpela hevi yet olsem na yumi mas putim moa mani long wok bilong polis fos, haus kalabus, kisim moa spesel polis lain long ol asples na ol taun, stapim ol mariwana na hombru pasin long daunim sampela pait na bagarap insait long komyuniti bilong yumi.

Salens nau i go bek long han bilong ol lida bilong yumi long palamen na ol bosman bilong dipatmen long sindaun wantaim na lukim olsem sevis ron gut na go daun long ol ples bilong yumi. Yumi no laik lukim ol pipel i kros wantaim ol lida bilong yumi olsem ol mekim pinis na yumi ritim long niuspepa.

Mekim wok na pipel ken lukim na pilim na yumi go fowet isi isi inap long yumi bungim dispela nesenel plen o Vison 2050. Dispela Vison 2050 em no samting nating. Em driman o wok mak bilong PNG long kamap long en.

WANTOK
Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Program bilong Wanwan De

Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hetlains / Bondei grittings
 7:00am - Major Nius Bulletin - YUMIFM Nius Senta
 7:15am - Toktok sapolim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - NIUS - YUMIFM Senta
 4:10pm - FOAPELA KAM GUD LONG 4
 4:30pm - Nius Hetlains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Miusik / Request / Tok pilai
 - Kipim Kampani long ol nait shift.

Weekend Shift - Saturday & Sunday

6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviessie) Phillip - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru long Kristal Rapids



OL POTO NICKY BERNARD

1. KOL WAR YA: Ol liklik mangi Sogeri i soim olsem i gat kol wara bilong waswas i stap long ples bilong ol.
2. Ol hap Manus na Koiari sanap long sait bilong wara long Kristol Repits.
3. Gavana Parkop i praim mit long babaku plet bilong Kristol Repits.



93FM
YUMIFM
National Weekly Hit Parade:
 Sponsor: Digicel - bigger, better network
 Produced & Host by: Kas.T
 Statistics: Kataga Soptik & Poroman Crew
 Week Ending: Saturday - 16th October 2010

Week Before	Last Week	This Week	Charting Song:	Artist:
1	1	1	Ayubawa Tian	Viginuts
2	2	2	Abot	Choking Band
3	3	3(4)	No Melo Vele	Reggie
4	4	4	Wewak	Tek One 9
5	5	5	Gole	DMP
6	6	6	Invisible Love	Jay West
7	7	7	Hadia	Nigana
8	8	8	Lus lain	DI AAR
9	9	9	Pilastar	Irapens Band
10	10	10(5)	Ulema	Reggie
11	11	11	Love	Reggie ft Rathey & Georgina
12	12	12	Angel	Pitzy Mares
13	13	13	First Time	Loose fruits
14	14	14	Love Struck	Jokema
15	15	15	Besa Mama	Jokers 21
16	16	16	Meri Suzann	Chris Stone ft Nardas Nakkos
17	17	17	Highway 17	K Duman
18	18	18(1)	Boma labogu bekani	Pameiis of Gailala
19	19	19	Ride	Sharzy ft Delah
20	20	20(4)	Lesi Mori	Britsie
			Song In: Highway 17	K Duman
			Song Out: Nruka	Reggie



EMTV Television Guide

FONDE, OKTOBA 14 2010

4.59AM STATION OPEN
 5.00AM G JOYCE MEYER Religious program
 5.30AM G TODAY
 9.00AM EMTV PRIME TIME LINEUP
CLASSROOM BROADCAST
 9.20am - Grade 7 Mathematics
 10.10am - Grade 7 Science
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics
 1.30pm - Grade 6 Science
 2.30PM - DEPI Training
KIDS KONA
 3.00PM G MAGICAL TALES
 3.30PM G THE KINGDOM OF PARAMITHI
 4.00PM G PARALLAX
 4.30PM G THE SHAK
 4.57PM G EMTV TOK SAVE
 5.00PM G THE 19TH COMMONWEALTH GAMES HIGHLIGHTS
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 6:00PM G NATIONAL EMTV NEWS

6.30PM G A CURRENT AFFAIR
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G THE 19TH COMMONWEALTH GAMES PACIFIC HIGH
 9.30PM PG ELITE MUSIC ZONE
 10.00PM G DIGICEL STARS
 11.00PM NATIONAL EMTV NEWS REPLAY
 11.30PM G THE 19TH COMMONWEALTH GAMES CLOSING CEREMONY AUSTRALIA NETWORK

FRAIDE, OKTOBA 15 2010

4.59AM STATION OPEN
 5.00AM G JOYCE MEYER: *Enjoying Every Day Life*
 TODAY
 5.30AM TODAY
 9.00AM EMTV PRIME TIME LINEUP
CLASSROOM BROADCAST
 9.20am - Grade 7 Mathematics
 10.10am - Grade 7 Science
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics

1.30pm - Grade 6 Science
 2.30PM - DEPI Training
KIDS KONA
 3.00PM G G2G: GOT TO GO
 3.30PM G THE KINGDOM OF PARAMITHI
 4.00PM G PARALLAX
 4.30PM G THE SHAK
 4.57PM G EMTV TOK SAVE
 5.00PM G THE 19TH COMMONWEALTH GAMES HIGHLIGHTS
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 CRIME STOPPERS
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.30PM PG PORTRAITS OF A NATION
 8.00PM M FRIDAY NIGHT MOVIE: BEN HUR
 10.40PM G NATIONAL EMTV NEWS REPLAY
 11.20PM AUSTRALIA NETWORK

SARERE, OKTOBA 16 2010

5.55PM CRIME STOPPERS
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.30PM PG PORTRAITS OF A NATION
 8.00PM M FRIDAY NIGHT MOVIE: BEN HUR
 10.40PM G NATIONAL EMTV NEWS REPLAY
 11.20PM AUSTRALIA NETWORK

4.30PM G THE 19TH COMMONWEALTH GAMES HIGHLIGHTS
 5.30PM G MXTV
 6.00PM G NATIONAL EMTV NEWS
 6.30PM PG AUSTRALIA'S FUNNIEST HOME VIDEO SHOW
 7.30PM G IN MORESBY TONIGHT
 8.27PM EMTV TOK SAVE
 8.30PM PG HEY HEY IT'S SATURDAY (SERIES RETURN) - Hey Hey is back! Back on a Saturday! Join Daryl and Livina with Ossie Ostrich, Red Symons, Russell Gilbert, Wilbur Wilde and Plucka Duck. They are joined each week by international and local guest stars and performers.
 10.30PM PG ELITE MUSIC ZONE
 11.30PM G NATIONAL EMTV NEWS REPLAY
 12.00AM Australia Network

SANDE, OKTOBA 17 2010

6.29AM STATION OPEN
 6.30AM G IT IS WRITTEN:
 7.00AM G HILLSONG
 7.30AM AUSTRALIA NETWORK
 6.00PM G NATIONAL EMTV NEWS

6.30PM G DIGICEL STARS
 7.30PM G 60 MINUTES
 8.30PM PG SUNDAY NIGHT MOVIE: MR MANGORIUM'S WONDER EMPORIUM (2007) Molly Mahoney is the awkward and insecure manager of Mr. Magorium's Wonder Emporium, the strangest, most fantastic, most wonderful toy store in the world. But when Mr. Magorium, the 243 year-old eccentric who owns the store, bequeaths the store to her, a dark and ominous change begins to take over the once remarkable Emporium.
 Stars: Dustin Hoffman, Natalie Portman, Jason Bateman. **MOVIE PREMIERE**
 10.30PM G HILLSONG
 11.00PM G NATIONAL EMTV NEWS REPLAY
 11.30PM Australia Network

MANDE, OKTOBA 18 2010

4.59AM STATION OPEN
 5.00AM G JOYCE MEYER
 5.30AM G TODAY
 9.00AM CLASSROOM BROADCAST
 9.20am - Grade 7 Mathematics
 10.10am - Grade 7 Science



Program bilong
Wanwan De

Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hetlains / Bondei grittings
 Trukai Rais - GES FAIA KOMPETISEN
 6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapolim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapat b'long TELIKOM
 12:15pm - Komuniti Notis Bod
 12:20pm - BELO Taim - wantaim sapat b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapat b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - NIUS - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Miusik / Request / Tok pilai
 - Kipim Kampani long ol nait shift.

Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Turner (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviesie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM
HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afeas
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afeas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afeas
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afeas
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afeas
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afeas
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain / Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik / Chit Chat
 9PM Stesen Pas

SANDE - Nait
 7PM Stesen op - Ol Nius Hetlain / Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik / Chit Chat
 9PM Stesen Pas

Raun wantaim Wantok kru long Kristal Rapids



OL POTO NICKY BERNARD

1. KOL WARA YA: Ol liklik mangi Sogeri i soim olsem i gat kol wara bilong waswa i stap long ples bilong ol.
2. Ol hap Manus na Koiari sanap long sait bilong wara long Kristol Repits.
3. Gavana Parkop i praim mit long babaku plet bilong Kristol Repits.



93FM YUMIFM
National Weekly Hit Parade:
 Sponsor: Digicel - bigger, better network
 Produced & Host by: Kas.T
 Statistics: Kalaga Soptik & Proman Crew
 Week Ending, Saturday - 16th October 2010

Week Before	Last Week	This Week	Charting Song	Artist
1	1	1	Ayibawa Tian	Viginuts
4	2	2	Abot	Choking Band
1	3	3(4)	No Melo Vele	Reggie
7	4	4	Wewak	Telk One 9
19	5	5	Goie	DMP
11	5	6	Invisibile Love	Jay West
9	8	7	Halifa	Nigama
25	6	8	Luv lain	DJ AAR
6	8	9	Pilastar	Irapens Band
10	10	10(3)	Ulema	Reggie
9	17	11	Love	Roggie ft Rathley & Georgina
13	13	12	Angel	Pitzy Mares
9	12	13	First Time	Loose fruits
2	11	14	Love Struck	Jokema
12	14	15	Besa Mama	Jokers 21
8	16	16	Meri Suzanne	Chris Stone ft Norban Naddos
0	0	17	Highway 17	K Duman
15	18	18(4)	Boma loogu lekani	Pameilis of Gailala
18	19	19	Ride	Sharzy ft Delah
20	20	20(4)	Lest Mori	Brixis

Song In: Highway 17 K Duman
 Song Out: Niuuka Reggie



EMTV Television Guide

FONDE, OKTOBA 14 2010

4.59AM STATION OPEN
 5.00AM G JOYCE MEYER Religious program
 5.30AM G TODAY
 9.00AM EMTV PRIME TIME LINEUP
CLASSROOM BROADCAST
 9.20am - Grade 7 Mathematics
 10.10am - Grade 7 Science
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics
 1.30pm - Grade 6 Science
 2.30PM - DEPI Training
KIDS KONA
 3.00PM G MAGICAL TALES
 3.30PM G THE KINGDOM OF PARAMITHI
 4.00PM G PARALLAX
 4.30PM G THE SHAK
 4.57PM G EMTV TOK SAVE
 5.00PM G THE 19TH COMMONWEALTH GAMES HIGHLIGHTS
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 6:00PM G NATIONAL EMTV NEWS

FRAIDE, OKTOBA 15 2010

6.30PM G A CURRENT AFFAIR
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G THE 19TH COMMONWEALTH GAMES PACIFIC HIGH
 9.30PM PG ELITE MUSIC ZONE
 10.00PM G DIGICEL STARS
 11.00PM NATIONAL EMTV NEWS REPLAY
 11.30PM G THE 19TH COMMONWEALTH GAMES CLOSING CEREMONY AUSTRALIA NETWORK
 2.00PM

SARERE, OKTOBA 16 2010

1.30pm - Grade 6 Science
 2.30PM - DEPI Training
 3.00PM KIDS KONA
 3.30PM G G2G: GOT TO GO
 3.30PM G THE KINGDOM OF PARAMITHI
 4.00PM G PARALLAX
 4.30PM G THE SHAK
 4.57PM G EMTV TOK SAVE
 5.00PM G THE 19TH COMMONWEALTH GAMES HIGHLIGHTS
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT
 5.55PM CRIME STOPPERS
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.30PM PG PORTRAITS OF A NATION
 8.00PM M FRIDAY NIGHT MOVIE: BEN HUR
 10.40PM G NATIONAL EMTV NEWS REPLAY
 11.20PM AUSTRALIA NETWORK

SANDE, OKTOBA 17 2010

4.30PM G THE 19TH COMMONWEALTH GAMES HIGHLIGHTS
 5.30PM G MXTV
 6.00PM G NATIONAL EMTV NEWS
 6.30PM PG AUSTRALIA'S FUNNIEST HOME VIDEO SHOW
 7.30PM G IN MORESBY TONIGHT
 8.27PM EMTV TOK SAVE
 8.30PM PG HEY HEY IT'S SATURDAY (SERIES RETURN) - Hey Hey is back! Back on a Saturday! Join Daryl and Livina with Ossie Ostrich, Red Symons, Russell Gilbert, Wilbur Wilde and Plucka Duck. They are joined each week by international and local guest stars and performers.
 10.30PM PG ELITE MUSIC ZONE
 11.30PM G NATIONAL EMTV NEWS REPLAY
 12.00AM Australia Network

MANDE, OKTOBA 18 2010

6.30PM G DIGICEL STARS
 7.30PM G 60 MINUTES
 8.30PM PG SUNDAY NIGHT MOVIE: MR MANGORIUM'S WONDER EMPORIUM (2007) Molly Mahoney is the awkward and insecure manager of Mr. Magorium's Wonder Emporium, the strangest, most fantastic, most wonderful toy store in the world. But when Mr. Magorium, the 243 year-old eccentric who owns the store, bequeaths the store to her, a dark and ominous change begins to take over the once remarkable Emporium.
 Stars: Dustin Hoffman, Natalie Portman, Jason Bateman. **MOVIE PREMIERE**
 10.30PM G HILLSONG
 11.00PM G NATIONAL EMTV NEWS REPLAY
 11.30PM Australia Network

TORO



BIABIA



KANAGE



TOKWIN

Pablik mas helpim holim stilman

Long sampela ples pablik save helpim long holimpas ol raskol i stilman. Tasol long Mosbi nogat. Turangu wanpela yangpela meri em wanpela man i putim han na stil long beg bilong em, tasol narapela man i lukim na i no toktok.

Taim stilman ya i go pinis na man i lukim i tokim tugangu meri ya. Wanen kain pasin ya?

Kaukau saplai sot long Goroka

Kaukau i sot nau long ol maket long Goroka taun bikos longpela taim bilong san na ples drai i mekim saplai bilong kaukau i sot tru. Ol lain bilong kaikai kaukau i wok long mekim save nau long kaikai rais bikos prais bilong wan wan ol kaukau ol i salim long maket prais i go antap stret. Planti lain i bilip strong olsem ren mas pundaun na givim gris long graun long kaukau i kamap planti gen.

Nupela pes mas lukaut long Wewak

Sapos yu wanpela nupela pes man o meri, noken tingting long raun long nait o long apinun tru long Wewaki taun bikos dispela ples i go kauboi

taun stret. Kain kain ol bikhet man i stap long stil na bagarapim ol narapela lain ol i lukim olsem ol nupela pes long taun.

Lahanis o Muruks long bemobail Kap

Tupela tim bilong Hailans em Bintangor Goroka Lahanis na SBS Mendi Muruks bai pilai insait long gren fainol bilong bemobai Kap gren fainol long Sande long Lae.

Ripot i tok olsem bikipela lain sapota bilong Lahanis i redi long pulim lain i go daun long Lae long sapotim tim bilong ol. Apo....tru ave.

Tokwin tasol...

A 10x10 grid of letters used for a word search puzzle.

Painim ol dispela nem bilong ol diwai prut na gaden kaikai:

A list of words and their corresponding letters from the word search grid.

A 10x10 grid for a numerical puzzle with some numbers filled in.

A 10x10 grid for a numerical puzzle with some numbers filled in.

Ansa bilong las wik Sudoku

Ansa bilong las wik Pasol

A crossword puzzle grid with some letters filled in.

EMTV Television Guide

A large table listing television programs, their times, and channels for the week of October 19-20, 2010.



TOILET PIT: Salvo PNG projek kodineta long Saranguandu, Tagu Ogureso givim stori long ol timba freim long wokim nupela helti pit toilet. *Poto: James Kila*



Kiyoshi (namba tu long lephan) na Salvo PNG projek kodineta Tagu Ogureso i soim ol lain bilong JICA, Nesaki Shun (nambawan long lephan) na Heigo Nakafusa bilong Embesi bilong Japan.

Salvo Japan helpim Saranguandu viles helt impruvmen projek

JAMES KILA i raitim

KIYOSHI Higushi em wangepela strongpela yangpela man husat i wok olsem wangepela voluntia wantaim Salvesin Ami Japan (Salvo-Japan) long wangepela ruel viles komyuniti ol i kolim Saranguandu insait long saut Wosera LLG long Wosera Gawi distrik, Is Sepik provins.

Kiyoshi i helpim ol arapela wan wok bilong Salvesin Ami-PNG long kamapim gutpela helt impruvmen projek wok long dispela ruel viles long sait bilong helti wara saplai, wokim nupela helti pit toilet na tu skulim ol pipel long sait bilong helt na klin komyuniti.

Dispela bagaros bilong Siapan i no single man moa. Yangpela meri bilong Mitsuyo, nau i go stap wantaim em na tupela i helpim long bringim voluntia helt wok long Saranguandu viles.

Mitsuyo i mekim voluntia wok long sait bilong givim skul long sait bilong helt na tu long helpim ol mama husat i redi long karim pikinini na tu long ol narapela helt wok.

Mi bin amamas stret long bungim dispela tupela marit tupela wik i go pinis taim mi wok raun i go long Saranguandu viles long saut Wosera. Yes, dispela tupela marit i bringim mipela ol nius man i go long haus morota (saksak lip) em tupela save stap long en na mipela i sindaun kaikai. Ol i kukim lokal stail kaikai bilong ples stret wantaim kumu na gaden kaikai na tu makau pis na mipela i aigris tru na mekim save long kaikai na stori wantaim tupela.

Stap bilong dispela tupela marit long Saranguandu viles em long sapatim na strongim projek wok em Salvo Japan (Salvesin Ami Sosel



Mitsuyo bilong Salvo-Japan i helpim man bilong em Kiyoshi long Saranguandu viles long saut Wosera LLG

Welfea Sevis) we i rejista long Japan wantaim hetkwata bilong en i stap long Tokyo i go pas long mekim plen na karimaut wok insait long dispela komyuniti long sapatim projek wok long go het wantaim helpim bilong Salvo PNG.

Wod 17 kaunsila bilong Saranguandu, Michael Wasku i bungim mipela ol nius lain wantaim wokman bilong JICA, Nesaki Shun na narapela wokman bilong Embesi bilong Japan, Heigo Nakafusa na i tok welkam na i stori long gutpela wok bung ol komyuniti i givim long sapatim dispela projek wok long Saranguandu.

Em i tok olsem ol ples lain i ammas long givim fri leba wok long projek na tu ol i amamas long givim ples bilong ol lain bilong Salvo Japan long stap na mekim wok long Saranguandu. Komyuniti i bin givim 3-pela haus we ol wok lain bilong Salvo Japan na Salvo PNG i stap long mekim wok long dispela ples.

Narapela man husat i givim stori long ol projek wok em Salvo PNG projek kodineta, Tagu Ogureso bikpela patna insait long dispela wok em Salvo Japan, Salvo PNG, JICA na ol pipel bilong PNG we i karamapim ol manmeri na komyu-

niti long Saranguandu.

Mista Ogureso, husat i wok wantaim Salvo PNG, i tok olsem dispela projek i kamap long bringim kamap gut helt stendet bilong ol pipel long saut Wosera LLG na wod 17 em Saranguandu viles. Dispela viles i populesin o samting olsem 2,300 pipel. Dispela namba em ol lain i stap long ples. Sapos ol i bungim namba bilong ol lain i wok autsait long ol taun, namba bai go antap olsem 3000 pipel olgeta.

Ol wok we i kamap long helpim na kamapim gutpela sindaun em kapasiti bilding skul o trening long strongim ol pipel long save gut long wok long helpim developmen i kamap insait long viles komyuniti, viles lidasip trening we i karamapim ol trening long kamapim ol wok plen na tu skul long mekim gutpela disisen long bringim gutpela sindaun insait long femili, komyuniti, wod na distrik level.

Mista Ogureso i givim toktok long tu long trening ol lain Salvo Japan na Salvo PNG i kamapim long helpim ol lokal pipel long save gut long sait bilong helt na senitesin. Em i tok i gat 8-pela liklik ples insait long Saranguandu na 5-pela lain long wan wan ol dispela liklik haus lain i go stap insait long trening.

Em i tok tu olsem ol i bin kari-maut wangepela komyuniti development komiti trening long helpim ol ples lain long sanap strong na mekim wok na tu trening bilong wara meintenens.

Long neks yia em i tok olsem bai i gat viles helt voluntia trening long sait bilong helpim ol mama.

Mista Ogureso, husat em bilong ples Onemuga insait long Kainantu distrik tasol nau i wok long Saranguandu i tok olsem narapela wok long sait bilong helt ol bai mekim em long givim auto i moskito net we i gat marasin long

en i go long ol pipel insait long komyuniti.

Mista Ogureso i tok olsem insait long dispela projek wok Salvo Japan wantaim Salvo PNG i mekim wantaim fri leba sapot i kam long ol pipel bilong Saranguandu viles em long putim kamap 16-pela tenk long kisim gutpela klinpela wara. Long dispela namba 2-pela tenk bai i stap long wan wan ol haus lain o liklik ples insait long Saranguandu komyuniti.

Moa long en tu em ol bai wokim 105 ol ventilated pit lantrin (toilet) insait long komyuniti long Saranguadu.

Em i tok dispela wok long wok kamapim ol pit toilet we i gat bikpela bes bilong en na tu i gat paip long sait we i sut i go antap long ruf we win nogut i ken go aut na ol lain i yusim toilet .

Mista Ogureso i tok insait long dispela projek long wokim ol helti toilet o lantrin we ol pipel bai i yusim, bai i lukim olsem tupela femili haus insait long viles bai yusim wangepela toilet em projek we Salvo Japan wantaim Salvo PNG i wok long kamapim nau long Saranguandu.

Em i tok klia tu olsem ol wok disain long dispela ol toilet haus em Salvo PNG i kamapim na tu i gutpela long kain ples olsem Saranguandu we long taim bilong ren ples i save tais na

Em i tok tu olsem wara tenk projek insait long komyuniti bai helpim ol pipel long sevim gutpela klinpela wara long ol femili i ken yusim.

Dispela wok bilong Salvo Japan wantaim sapot bilong Salvo PNG i ken helpim long kamapim gutpela helti komyuniti long kamapim gutpela sindaun insait long femili, komyuniti, wod na distrik bilong long Is Sepik provins.

Raun wantaim Kanage olgeta wik

Elvis o samting?

Paps Kanage em wanpela man bilong painim meri. Wanpela taim Paps Kanage i sindaun na gris wantaim ol yangpela mangi istap. Ol i stori i go na Kanage tokim ol mangi, "Las taim mi go long Boroi, insait long Madang, mipela i bin i go stretim wanpela hevi. Man, mi stretim hevi bilong meri ya i go bik moning na mi kisim bikpela taim stret". Paps Kanage lusim ol mangi na em wokabout i go long haus. Long rot em bungim wanpela mama na mama ya tokim em, "Kanage, sampela toktok bilong yu i stap wantaim mi. Wanpela meri i salim i kam". Kanage hetwin na tok, "Aiyooooo! Maski mi wanem kain man olsem ya. Yu-pela kisim naip na katim nek bilong mi na bai mi dai. Taim mi dai, bai olgeta pren meri bilong mi long olgeta ples bai bung na kraik long mi!"

TDS Tor
Angoram



Yu tasol dispela kaukau ya!

KANAGE em bilong Hailans na em man bilong kaikai kaukau wantaim gris pik. Wanpela taim em i pilim les long kaikai kaukau na i go raun long Ostrelia (Australia) long kaikai sampela kaikai bilong ol waitman. Ol wantok bilong em pikim em long ples balus na kisim em i go long haus. Narapela anti ya pairap long haus kuk i stap. Kanage pasim tingting tasol na daunim spet. Kaikai redi na ol i go insait long kaikai. Kaikai smel nais tru na anti ya karamapim ol pot. Ol prei pinis na ol sindaun rere long kaikai. Taim ol i opim ol pot, wanpela pot em kaukau tasol. Anti ya tokim Kanage, "Yu mas

misim kaikai bilong ples stret ya!" Kanage isi kisim kaikai bilong em na sindaun. Em lukim kaukau na tok, "Baset, yu dispela kaukau ya mi lusim long ples i kam long hia na yu painim mi yet!". Kanage kaikai ol arapela kaikai na lusim kaukau i stap.

Alexius S
Kimbe

Ol skwat!

Salim ol gutpela Kanage
tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.

Email: atolire@wantok.com.pg



NEM: Lopecii Loapa
KRISMAS: 17(man)
ADRES: PNG Bible Church, P.O Box 363,
Mendi, S.H.P
SAVE LAIKIM: Pilai volibol, harim musik.

NEM: Ronda Elmale
KRISMAS: 20 (meri)
ADRES: Pes Catholic Mission, P.O.Box 179,
Aitape Sandaun Provins
SAVE LAIKIM: Go lotu, mekim pani, lukim TV
na mekim pen pal

NEM: Mariatha Seilupe
KRISMAS: 27 (meri)
ADRES: Pes Catholic Mission, P.O Box, 179
Aitape, Sandaun provins
SAVE LAIKIM: Mekim pani, go lotu, pilai soka
na volibol, harim musik na lukim TV

NEM: Ronald Wama
KRISMAS: 25 (man)
ADRES: C/-B.E.F, P.O.Box 84, Maprik, E.S.P
SAVE LAIKIM: Kompyuta study, Accounting
study, Economics stadi, pilai spot, mekim pren
na go lotu.

NEM: Karl Giri
KRISMAS: 36 (man)
ADRES: Semoroks Gospel Club, P.O.Box 3368,
Lae, Morobe Provins
SAVE LAIKIM: pilai lid gita, komposim na
singsing long God, painim meri lotu long helpim
long singsing.

NEM: Mary-Grace Walete
KRISMAS: 19 (meri)
ADRES: Pes Primary School, P.O.Box 36,
Aitape, Sandaun Provins
SAVE LAIKIM: lukim TV, harim musik, go lotu,
pilai soka na basketbol, mekim pani

NEM: Keiken Elmale
KRISMAS: 24 (man)
ADRES: Pes Primary School, P.O.Box 36,
Aitape, Sandaun Provins
SAVE LAIKIM: Mekim pani, pilai soka, harim
musik na lukim TV

NEM: Franklyn Wamo
KRISMAS: 26 (meri)
ADRES: Pes Primary School, P.O.Box 36,
Aitape, Sandaun Provins
SAVE LAIKIM: Mekim pani, go lotu, pilai soka,
harim musik na lukim tv

NEM: Annie Mary Yuwei
KRISMAS: 20 (meri)
ADRES: Pes Primary school, P.O.Box 36,
Aitape, Sandaun Provins
SAVE LAIKIM: Pilai soka, volibol, mekim pani,
go lotu, harim musik na lukim tv

NEM: Amos Geyamme
KRISMAS: 23 (man)
ADRES: Guyata Elementary School, P.O.Box
386, Eriku, Morobe Provins
SAVE LAIKIM: Pilai soka, ritim buk na go lotu

Meri bilong narapela kantri marit long PNG

Dia Laipain

Mi wanpela marit meri i gat 50 kris-mas bilong narapela kantri. Mi bin mar- itim wanpela man PNG, tasol marit bilong mitupela i bin bruk 10-pela yia i go pinis.

Mi stap wantaim tingting olsem mitupela man bilong mi bai tok sori, stretim ol samting na stap wantaim gen. Mi bilip olsem God i bin plenim laip bilong yumi taim em i wokim yumi. Na em yet i lukautim mi long dispela 10-pela yia marit i bruk inap nau.

Tasol hop long mipela i sekan na kamapim wanbel i wok long lus wantaim taim i ron na mi hop olsem bai mi painim wanpela nupela man long poroman wantaim. Dispela em bikos man bilong mi nau i marit na em i gat wanpela pikinini i gat 8-pela krismas. Na mi ting olsem em i no laikim mi moa.

Mi no pilim gut long marit i bruk we i lusim mi wan yet i stap long wanem, plen bilong mi em bilong painim man mi laikim na marit stap wantaim. Na i no bilong mi stap singel mi yet. Nau yet, mi no save God i gat wanem kain plen long mi na olsem, mi stap wantaim wari.

Laipain, plis helpim mi.

Worried Deserted Wife

Dia Pren

I GUTPELA long kisim pas long wanpela meri bilong narapela kantri na askim long helpim bilong Laipain. Long pas bilong yu, yu bin tok olsem yu wanpela meri i stap wantaim wari na yu gat 50 krismas na yu maritim wanpela man PNG.

Tasol, marit bilong yu i bruk 10-pela yia i go pinis na i luk olsem i nogat wei long yupela i toktok na stretim ol samting na yupela i ken stap wantaim gen. Nau yu laik painim wanpela nupela man long marit na stap wantaim bikos man bilong yu i marit na em i gat pikinini pinis. Yu ting olsem man bilong yu i no laikim yu moa na yu sori long yuu wan i stap na tu, yu no save wanem plen God i gat long yu.

Fren, ekspirians yu wok long go long en em i bikpela long wari na moa yet, bikos yu bilong narapela kantri. Olsem na dispela kain hevi na wari i ken givim skul long planti narapela PNG na tu, ol ovasis lain husat i marit long narapela kantri o i tingting long wokim dispela.



Mipela i strongim yu na ol narapela olsem lukluk gut long wanem ol narapela lain i mekim wantaim laip bilong ol arapela i no wokim wanpela rong.

Mipela i bilip olsem yu bilon narapela kantri, tasol yu no tokim mipela liklik moa long yu yet, sapos yu gat pikinini na hamas, yu wok o nogat, sapos yu naturalais sitisen bilong PNG o nogat. Tasol mipela i luksave long wari, pen na hevi yu wok long bungim glasim wantaim 10-pela krismas i longpela taim tumas bi-hain long marit bilong yu i bruk.

Pren, mipela i luksave long wei yu inap long menesim laip bilong yu, maski marit i bruk wantaim man yu gat bikpela laik long en. Mipela i lukim olsem maski man bilong yu i lusim yu na nau i stap wantaim narapela meri, yu no bin belhat na wokim samting tasol yu wok long weit olsem em bai kam bek long yu.

Long wei mipela i glasim ol samting, dispela man we yu bin laikim tumas na lusim kantri bilong yu long maritim i feilim yu tasol yu nogat. Tasol sapos sampela samting yu wokim na em i lusim yu long maritim narapela meri, mipela i enkar- ijim yu long glasim ol samting we yu inap long mekim na kontribuit long marit bruk.

Mipela i laikim yu long stap gut, bilip olsem sampela gutpela samting bai kamap bikos long Pasin bilong yu long stap isi na weit stap long wanpela de, yutupela i ken painim bel isi pasin.

Sapos yu bilip long Bikman olsem yu tok long pas bilong yu, em gat ol gutpela plen long ol pikinini bilong em. Na long dispela i min olsem yu tu. Yu tok tu olsem Bikman i lukautim yu gut long dispela 10-pela yia taim yutupela man bilong yu i no stap wantaim na em i ken skruim dispela long narapela 10-pela moa yia i kam o moa. Pren, skruim bilip na tras bilong yu long Bikpela long olgeta samting yu mekim. Ritim Romans 8:28.

Taim yu mekim olsem, traim na staim toktok gut wantaim man bilong yu na namba tu meri bilong em. Sapos yu no wok long toktok wantaim em i kam inap nau, i moabeta yu toktok long em nau

na askim em wapo em bin mekim olsem na plen bilong em long bihain taim.

Mipela i bilip olsem gutpela toktok namel long yupela bai kamapim gutpela luksave bikos yu hop na weit long kamapim belgut na i no traim long mekim samting long peim bek bikhet pasin man i wokim.

Mipela i luksave olsem taim man i stat long lukim narapela meri na meri i wokim wankain long bekim, marit i save bagarap olgeta. Sapos ol i gat pikinini, ol i save bungim hevi long bikhet bilong papamama i no tingim ol na bihainim laik bilong ol yet. I moabeta long yu noken wokim dispela na bagarapim nem bilong yu.

Pren, mipela i luksave olsem yu no laik long yu wan yet i stapna yu laik painim wanpela man we bai yu lavim na maritim. Tasol bipo yu wokim dispela, i moabeta yu stretim hevi wantaim man bilong yu. Dispela em i bikpela samting long wanem bai gutpela luksave na wanbel i kamap bipo yupela i bruk gut na bihainim laik bilong wan wan.

Taim yu painimaut stret olsem man bilong yu i wokim fainol disisen long maritim narapela meri, orait, yu ken kla gut na go het wokim disisen long rot yu laik go long em long laip.

I moabeta yu tupela wantaim i askim sios pasta na ol lida long givim gutpela stiatok long helpim yupela.

Tasol tingim long ritim Tok bilong Bikpela long 1 Korin 7:39-40 we i tok "marit "meri i no fri taim man bilong em i stap laip yet tasol taim man i dai, em i fri long marit long husat man em i laikim. Tasol em i mas wanpela Kristen. Tasol em bai stap amamas taim em i stap olsem. Em tingting bilong mi na mi ting olsem mi gat Spirit bilong Bikpela long mi." Tu, ritim Matyu 5:31 na 32. Pre long God na em i ken soim plen bilong em long yu.

Laipain

Sapos yu gat wari, rait i kam long Lifestore, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain



SMS Banking Digicel Top Up.

SMS BANKING
- APPLY NOW

Digicel
PNG's Biggest, Better Network.

To apply, you'll need

1. Your Kundu Card
2. Your BSP Account Number + details
3. Mobile phone number
4. Names + BSP Account Numbers for deposits to other BSP account holders
5. Fill in an Application Form today



Love your bank

www.bsp.com.pg

UPNG wokim histori long bisnis wok

Kairu Laho (UPNG) i raitim

YUNIVESITI bilong Papua Niugini i sainim join vensa tok orait wantaim Saut Korea infomesen teknologi (IT) kampani, Samchang Infomesen Teknologi Co, Ltd, long mekim ol laptop na TV skrin long Waigani Kempes.

Long wanpela nupela kain tok orait we i no kamap bipo long ol skul long PNG, bisnis han bilong UPNG, UniVensa Limited, bai nau i kisim wok long kamapim na salim ol ICT samting o prodak.

Memorandum bilong Agrimen (Tok Orait) bilong dispela join vensa i kamap long Sarere 9 Oktoba, 2010 namel long UPNG na UniVensa wantaim ol mausman bilong S.I.T Co. Ltd.

Wantaim long dispela tok orait, mama kampani bilong S.I.T, Samchang Grup, aninit long PNG presiden, i tokaut long laik bilong em long wok wantaim UPNG and PNG Gavman long kamapim medikel tisa haus sik na saiens na teknologi haus.

Wanpela pepa i kam long Samchang Grup i tok kain developmen long infrastraksa bai kamapim laik bilong Ikonomik Developmen Korporensen Fan bilong Korea we em i gat mani na laik long kamapim.

Vais Sansela Profesa Ross Hynes i tok welkam long laik bilong Samchang Grup na long Mista Lee i tokaut long laik bilong em i pulim tingting bilong UPNG long kamapim kain wok.

UniVensa Siaman Camillus Narokobi i tok dispela join vensa i bikpela tingting em Yunivesiti i kamapim na i welkamim bilip em S.I.T Co. i gat long em.

"Mipela i lukluk long wok bung wantaim yu (S.I.T.) na i laik skruim dispela poroman pasin wantaim PNG na Saut Korea," Mista Narokobi it ok.


Ol ogenaia i tok ol i lukluk long kamapim ol bren wantaim nupela nem long 6-pela mun bihain taim.

S.I.T. Co. Ltd bai kamapim 6-pela wokman long ronim dispela projek, kwaliti control na olgeta dispela oporesen long taim UniVensa Limited bai kisim ol PNG manmeri long givim ol trening na wok.

ICT samting bai gat prais na wok resis long kamapim namba wan prodak long kantri.

Tasol bikpela samting em, UPNG i kisim gutpela ples long skulim ol opisa na sumatin bilong em long nupela teknologi olsem laptop.

Presiden bilong Samchang PNG, Kyoo Lim i tok amamas long Samchangs Grup Siaman Doo Chul



LAIKIM: (l-r) Papa bilong nupela Yamaha Rhino wantaim Adrian Brooks Jeneral Sels Menesa Ela Motos, Se Lod Peter Murray na meri bilong em Ledi Beverly.

Lee olsem Mista Lee bai mekim olgeta samting long sapatim na skruim dispela join vensa wok.

Mista Lee i gat bikpela laik long developim ol yunivesiti olsem em i wanpela Sif Dairekta bilong Ulsan

Nesanel Institut bilong Saiens na Teknologi na redi long wok wantaim UPNG.

RHINO i mekim nem long Papua Niugini.



Sori dispela i no abus tasol i wanpela ka em Ela Motos i salim.

Ela Motos i tok wankain olsem Yamaha, Rhino planti ol kastoma i laikim na i laik baim.

Rhino wankain olsem Yamaha ol kastoma i tok i strong, i gat pawa na i nogat planti samting bai pasim em taim em i go.

I no long taim i go pinis Ela Motos i kisim 8-pela nupela Rhino na ol kastoma na ol arapela manmeri i amamas na soim laik pinis long em.

"Mipela i ting mipela bai traime maket na em i wok. "Em i strong na pawa na inap long mekim ol strongpela wok bilong agrikalisa.

"Rhino i gat isi enjin sistem wantaim 700cc bilong 4 wil draiv, gutpela toku, tupela sit na foa wil brek.

"Ol manmeri i mas lukim olsem dispel ka tru tru i wok.

"Stat long taim em i kamap laik long emi wok long bikpela.

"Long planti bisnis, Rhino inap long mekim wok bilong tupela o moa ka na dispela i sevim taim na kos," Paul Abbot, Nesanel Marketing Menesa bilong Ela Motos i tok.



PNG Pes Kontrol strongpela wok sekyuriti

PNG Pes Kontrol wantaim Nugini Futwea Limited (NGF) na 3 M kamapim wanpela aluminum glas we em i strong na i no inap long bruk hariap.

Dispela Altra S600 Sefti na Sekyuriti Film i nupela 3M, we em i go pas long wok bilong teknologi.

Dispela glas em ol i bin lonsim i no longtaim i go pinis i namba wan kain glas em ol i lonsim long kantri.

Turubu wel pam laikim wok bung

WANPELA join vensa patna insait long multi-milion kina Turubu Wel Pam projek long Is Sepik i askim provincial na lokol level gavaman, ol papagraun long Turubu na ol sea-holda long wok bung wantaim long lukautim developa bilong projek.

Limawo Holdings Limited Siaman, Aron Malijiwi, i tok nambawan hapwok bilong dispela bikpela wok wel pam i kirap pinis long dispela mun na olgeta

lain imas mekin ples i kamap gutpela long developa long stap na wok.

Developa bilong project Wewak Agrikalsa Developmen Limited na papagraun kampnai, Limawo Holdings Limited, i wok poroman long bringim dispela bikpela project we ol saveman i tok i ken senisim sindaun bilong ol manmeri long Is Sepik.

Mista Malijiwi i tok strong long kamapim wokbung bihain ol repot i kamap olsem

sampela papagraun long i bin mekim sampela pret toktok long developa las wik bihainim sampela bel hevi namel long ol kampani.

Em i tok kain pasin bilong sutim i go long developa i no stret bikos i gat papagraun kampani, polis, provinsel na lokol level gavman opisa i stap long helpim ol sapos ol i gat bel kros.

Long wankain taim wok long neseri ples long Samawia i wok long go het bihainim kamap bilong 10,000

sid wel pam i kam long Kimbe, Wes Nu Briten Provins long las wik.

Malijiwi i tok nambawan 10,000 pikinini wel pam ol i bin kisim long stat bilong dispela mun na tu ol wokman i planim pinis insait long ol poli beg.

Em i tok ol bai kisim narapela 25,000 pikinini wel pam long wik bihain long inapim 45,000 mak bilong welpam long nambawan hap bilong dispela projek.



KAMAPIM WOK: Ol wokman bilong Turubu wel pam projek i planning pikinini wel pam long ol polibeg neseri long Samawia.

Ol fama laikim maket sistem we i wok

Josephine Yaga (NARI) i raitim

planti tingting.

Ol fama i no save sapos kaikai ol i salim bai kamap gut o nogat.

Na sapos i no kamap gut, hatwok bilong ol i lus na ol i lusim mani.

Moa long dispela Hailans Hai i bagarap na ol i no save sapos ka i karim kaikai bilong ol bai kamap gut o nogat.

Dispela em sampela ol hevi we ol fama i save bungim long wok

bilong ol.

Long ol gaden fama, pekim ol kopi, ti o ol arapela kes krop em i isi long wanem i gat mak oltaim ol i mas bungim long salim samting bilong ol.

Tasol wantaim ol gaden kaikai dispela em i hat.

I nogat wanpela mak i stap bilong ol i mas kamap long em long salim samting bilong ol.

Na wantaim dispela ol i nogat ol gutpela peket long putim i go insait we bai lukim kaikai bilong ol i stap gut inap long ol i kamap long maket long nambis olsem long Lae o Mosbi.

Moa yet ol i save salim kaukau o kumu long prais we ol i skelim sapos ol inap long salim o long laik bilong baia.

I no long mak bilong kilo we atoriti i makim.

Bikos long dispela Nesenel Agrikalsa Risets Institut (NARI) i luksave na i painim rot long helpim ol.

Wantaim helpim bilong gavman bilong Australia (AusAID), NARI i kamapim sampela peket long traime sapos kaukau o kumu inap long stap gut inap long em i kamap long maket long Lae o Mosbi.

Helpim long Australia i kam long Australia Senta bilong Intanesenel Agrikalsa Risets (ACIAR) na Nu Saut Wels Dipatmen Praimeri Industri (NSWDPI), Yunivesiti bilong Kenbera na Fres Produks Developmen Ejensi (FPDA) long go pas long dispela.

Dispela projek i lukluk

long "Marketing Efisiensi, Poshaves Menesmen na Velu Eding bilong Swit Potato long PNG."

Ol i brukim dispela projek i go long tripela hap em teknikal, ikononomikol na sosel.

Dispela projek i kamap arere long rot em ol fama nau i save yusim em long emti 40 kilo wit o rais bek.

Ol bai laik save sapos dispela projek bai gutpela o yusim 40 kilo wit na rais bek i gutpela yet.

"Taim bilong traime dispela rot bai stat long narapela mun, Novemba.

"Mipela i laik save dispela rot em i gutpela o i no gutpela," Isidora Ramita, NARI Pos Haves Risetsa i tok.



PNG POWER Ltd

NUPELA PEIMEN SISTEM

PNG Power i laik toksave long ol kastoma bilong em olsem i gat ol benk fom we yu ken peim stret pawa bilong yu i go long akaun bilong PNG Power. Dispela fom em i wankain olsem ol fom yu save baime skul fi bilong ol pikinini.

Ol dispela fom i stap long ol PNG Power Ofis long ol dispela Senta long Mosbi, Lae, Kokopo, Mt Hagen, Madang, Goroka, Wewak, Vanimo, Aitape, Maprik, Finschfen, Wau, Kainantu, Kundiawa, Banz, Ialibu, Mendi, Wabag, Alotau, Popondetta, Daru, Kerema, Lorengau, Kavieng, Kimbe, Biella na ol BSP brens insait long kantri.

Akaun namba bilong PNG Power i stap pinis long dispela fom.

Ol kastoma i mas givim PINK kopi bilong diposit fom i go long PNG Power ofis long seime dei long ol i ken stretim akaun bilong yu.

Ol kastoma husat i gat planti akaun wantaim PNG Power i mas givim list bilong olgeta akaun na toksave long wanem rot ol bai bihainim long stretim ol bilong ol.

Sapos yu laikim moa toksave ringim telefon namba:
324 3213/ 324 3238/ 324 3383

Toksave I kam lon PPL Pablik Rilesens.



KAIKAI YAH! Ol man long putim kaukau i go insait long beg long Kelua, Mt Hagen, Westen Hailans i helpim ol NARI saveman long painim aut sapos kakau ol i putim long nupela beg o peket inap long kamap gut long Mosbi.



Divisen 1 bilong man namel long DBTI na Keleiruna.

Wiken Spot pairap



BISINI i kirap, Dispela tupela klab ol meri, Murat na Lamana save pulim ol sapota bilong ol i go long Bisini taim ol pilai, las wik Sande taim tupela pilai bisini bin kam laif olgeta.



LIKLIK Bears, Richard Bais em dai had bilong ol Bears tim, tai mol bikipela go insait long pilai graun em tu save go long sait bilong pilai graun na soim strong bilong em long



Bears softball tim bilong ol man husat I soim kala long pri sisen.

PULAPIM TRU PMV Em i no wanpela PILAI

Pulapim tumas PMV em wanpela bikipela as tru bilong ol birua we i save kamapim dai long rot long PNG long olgeta yia. Sapos yu wanpela PMV draiva o wanpela pasindia na yu luksave olsem PMV em pulap tru na yu putim laip bilong yu na ol arapela long birua. Em taim nau long tingting strong long ROT SEFTI – em i no wanpela PILAI

NOKEN TRU PULAPIM PMV

Ridim ol PMV mak o sain long karim pasindia



A road safety initiative by



Bennett na Bellamy bai helpim ol birua bilong Australia long 4 Nesens

NU SILAN Kosa Stephen Kearney i kisim tupela top ragbi lig kosa bilong Australia, Wayne Bennett na Craig Bellamy long strongim ron bilong Kiwis insait long 4 Nesens ragbi lig resis.

Na kosa bilong Ingran, Steve McNamara, i pulim kosa bilong Sydney Roosters, Brian Smith i go kamap olsem asisten kosa bilong em.

Bennet, Bellamy na Smith i gat 16 NRL gren fainols namel long ol.

Olsem na Australia, yu mas lukaut.

Tasol ol Kangaroos bai gat strongpela kosa kombinesen bilong ol yet wantaim 4-pela premi-asip wina Tim Sheens na Canberra Asisten David Furner, wantaim em.

"Bai gat planti ol saveman kosa i stap long dispela tonamen," Sif Eksekutiv bilong ARL, Geoff Carr i tok.

Bennet na Kearney i bin bung long stiaim Nu Silan i go long 2008 Wol Kap.

"Mi bai toktok wantaim Wayne long kempen bilong mipela," Kearney i tok.

"Mi save ringim em i go kam. Mi bin toktok wantaim em long sisen, na nau, moa yet long taim bilong fainols.

"Mi bai ringim em yet long kisim liklik stia long 4 Nesens kempen bilong mipela.

"Olgeta ol gem bilong mipela bai stap long Nu Silan yet, olsem na ating bai em i no inap long kam lukim mipela, bikos em bai



Wayne Bennett na Craig Bellamy long strongim ron bilong Kiwis insait long 4 Nesens ragbi lig resis.

laik stap wantaim famili bilong em. Tasol em i kain man we yu ken ringim em long kisim tok stia na tingting.

"Mi bai toktok wantaim Craig Bellamy tu. Mi bai lukluk long Craig long helpim mi liklik.

"Mipela olgeta i wankain tasol. Mipela i laik mekim mipela yet i mas kamap ol gutpela kosa. Mi nogat wari long askim Wayne na Craig long sampela tok stia,"

Kearney i tok.

Kearney yet i redi long kamap wanpela top kosa. Bihain long em i wok aninit long stia bilong Bellamy long Melbourne long fopela yia, em i kamap het kosa bilong Parramatta.

Carr i tok klia olsem long sait bilong McNamara na Smith, 'taim Brian i bin lusim Parramatta, em i bin go long Bradford, we Steve i bin statim kosa wok bilong em."

"Brian i olsem tisa bilong Steve. Ol i gutpela poroman. Steve i tok em bai yusim Brian long 4 nesens tu. Em i wanpela samting ol kosa yet i save mekim. Steve i gat gutpela pasin poroman wantaim Craig na Wayne. Mi nogat belhevi long Steve i kisim tingting bilong ol. Wayne na Craig em ol gutpela man.

Nu Silan bai gat wanpela womap gem agensim Samoa

long Sarere nait long Oklen. Long dispela nait tu, Ingran bai redi long 4 Nesens taim em i bungim Nu Silan Maori.

Ingran na Nu Silan bai kirapim tonamen long Wellington long Sarere long wik i kam.

Kearney yet i tok em i bilip sait bilong em bai ken winim tonamen sapos ol i strongim tingting na pilai bilong ol.

Blair no wanbel long ol i abrusim Asotasi bilong 4 Nesens

VAIS Kepten bilong Nu Silan, Adam Blair, i tok em i no wanbel olsem bipo skipa, Roy Asotasi i no stap insait long tim bilong dispela yia. Asotasi, husat i winim taitol olsem wanpela long ol namba wan prop insait long NRL, i abrus long pilai makim Nu Silan tupela taim nau long 4 Nesens resis.

Dispela wik, taim Parramatta sta, Fufui Moimoi i bin kisim bagarap long skru bilong lek bilong em, Kosa bilong

Kiwis, Stephen Kearney i senisim em wantaim Penrith prop Sam McKendry.

McKendry i pilai 29 fes gret gem tasol, na em wanpela i nogat inap save long pilai long 4 nesens, olsem ol arapela wan tim met bilong em.

Nu Silan bai bungim Samoa long Sarere dispela wiken, na Blair i tok em i no bilip olsem ol selekta na kosa i no luksave long Asotasi long strongim Nu Silan sait.

Pac: Delhi weightlifting kompetisen i pinis

WETLIFTING kompetisen nau i pinis long New Delhi, tasol ol gol medal em ol i ting Nauru bai winim, i no kamap.

Liklik wetlifita bilong Nauru, Detenamo i bin red-hot fevret taim em i go insait long men's super hevi wet kategori, tasol em i lus tupela taim long Clean and Jerk

Westwood kisim ples bilong Woods

WESTWOOD i redi long kisim ples bilong Tiger Woods olsem namba wan gol pilaia long wol taim Oktoba 31, 2010 i kam.

Em sapos Woods i no kamap o i no pilai gut long dispela taim.

Dispela tingting i kamap bihain long las Sande we i lukim Westwood i kisim bagarap long lek bilong na i tok em bai i no inap long pilai inap long the HSBC Sempionsip i kamap long Novemba 4 i go long 7.

olsem na Damon Kelly bilong Australia i bin gat sans long win long dispela kategori na kisim gol.

Detanamo i bin kisim tasol silva na givim taitol - Games strongest man - i go long Australian bihain long tupela wantaim i bin nap long liftim 397 kilos.

Dispela Ingran namba wan pilaia, Westwood i tok kamap long mak wantaim Woods long Alfred Dunhill Links Sempionsip long stat bilong dispela mun.

Askim sapos em inap long pilai gen Westwood i tok: "Ating long HSWBC o long Dubai (Novemba 25 i go long 28).

Inap long 5-pela krismas Tiger Woods i stap namba wan golf pilaia long wol.

Long las Mande Woods i bin stap namba wan pilai long

Bihain long 8-de bilong weightlifting kompetisen, Nigeria na Samoa i kamap top long medal list wantem tripla gol.

Ol i bin makim tu Nigeria olsem sempion Commonwealth wetlifting kantri.

wol.

Long bagarap bilong em Westwood i tok: "Mi bin gat sans long kamap gut.

"Mi traim hat long go bek long Ryder Kap long las wik na go bek long 80 pesen, we mi ting i gutpela long kamap.

"Dispela i bin hatpela wik bilong mi, sikipela isipela wik, sikipela aua raun na tupela de ov namel long pinisim Ryder Kap na stat gen.

"I nogat wanpela samting bai kamap rait, em i wok long go hat moa yet.

Bipo Fiji yunion Kepten i dai

BIPO kepten bilong Fiji ragbi yunion nesene tim i dai long dispela wik.

Isaia Rasila, husat i bin gat 42 krismas, i dai long hat atek long ples bilong em Rakirakilevu.

Ol karim em go long haus sik, tasol Dokta long haus sik i tok em dai pinis.

Isaia i pilai 48 pilai long tim bilong em na em karim nem bilong kantri bilong em inap 34 pilai olgeta.

Isaia save pilai huka taim em save kisim Fiji go pilai long narapela kantri, namba wantaim em i pilai long kantri bilong em taim pilai wantaim Western Samoa long 1992, dispela taim em makim kantri bilong em inap 11-pela yia olgeta.

Em i keptenim Fiji long 5-pela pilai taim ol pilaim narapela kantri, laspela pilai bilong em taim ol pilaim Scotlen na lus long ol 22-20.

Pini winim silva bilong PNG



EM INAP: Yumi kisim silva! Ryan i tromoi pinga long soim amamas bilong em long winim silva.

RYAN Pini i mekim gen long winim medol bilong Papua Niugini long Komenwel Gem long India.

Dispela taim em i winim silva medo long 100 bataflai, wampela mak daunbilong long em i winim gol medol long wankain resis long 2006 Melbon, Australia Komenwel Gem.

Em i win bihain long Geoff Heugill bilong Australia wantaim 52.50 sekens. Em i kamap namba tu ples wantaim Anthony James bilong Ingran. Heugill i kamap wantaim 51.69 sekens.

Resis na win bilong Pini i kamap long las wik Fraide.

"Mi amamas olsem mi swim gut na wantaim sapot bilong tim hia mi kisim medol," Pini i tok.

Em i tok swim bilong em wantaim Heugill oltaim i save hat tasol em i traim hat kisim namba tu taim.

"Geoff i wol sempion na wol rekod holda na olsem em i bikpela salens long pilai agen-sim em."

PNG tim i amamas taim Pini i go bek long Gems Viles.

Wetlifting tim i go pas long singsing we ol arapela tim i join na amamas long dispela nait. Ol i holdim ol bod we

ol rait olsem i stap: "Graun i amamas long win bilong Ryan Pini," "Lukim wanem samting bai mekim long 6 milion manmeri," na "Yu mekim mipela i amamas gen."

Long dua bilong em ol i poto bilong em na raitim tok olsem: "Gutpela tru, sempion bilong mipela!" wantaim amamas toktok bilong Susuve famili long Brisben.

Jeneral Tim Menesa, John Susuve, i welkamim Pini long ples na i tok amamas long win bilong em.

Susuve i tok tenkyu tu long ol Pinis, papamama bilong Ryan, long taim na strong ol i putim long sapotim Ryan.

"Olgeta lain manmeri i amamas long win bilong Ryan tasol mipela i amamas tu long Mista na Misis Pinis long sapot ol i givim long Tim na long Ryan long kamap long dispela mak," he said.

Hetmeri bilong PNG Tim, Tamzin Wardley, papamama bilong Ryan na brata bilong Ryan, Jason wantaim Swimming tim bilong PNG i stap long lukim win bilong Ryan.

"Em i bin longpela taim long foapela yia na mi laik tok tenk yu long olgeta manmeri long PNG

TOK HAMAMAS!

RYAN PINI



Menesmen na Staff bilong Theodist Tok Hamamas long Ryan na Tim PNG long Gutpela Pilai bilong ol!



PNG winim boul fainel long Ragbi 7s fainol

PAPUA Niugini i putim mak long ragbi sevens long Tunde dispela wik taim ol i winim boul fainel long winim Kenada (Canada) 17-10 long Delhi Yunivesiti pilai graun insait long Komenwel Gem.

Dispela win i putim PNG Sevens tim i go long namba 9 ples namel long 16 kantri.

Ol namba wan pilai long time m Albert Levi, Henry Liliket na Eugene Tokavai husat i redim rot bilong ol pilai olsem kepten Chris Kaka, Montgonmery Diave na Douglas Guise long suvim het na silip antap long trai lain.

Shedrack Ghalaliha na Smith Laka i strongpela long sanapim banis tasol i helpim tu long mekim lain brek na opim rot bilong ol beklain long ron.

Tasol sori tumas olsem Laka i bungim hevi bihain long sua i kamap long fohet bilong em.

Long pilai bilong ol Kosa, Shane Howarth, i tok em i amamas long pilai bilong tim.

"Ol pilai gut na mi amamas long ol.

"Dispela i soim olsem PNG inap long pilai ragbi sevens na mipela i soim dispela long nau," Howarth i tok.

Dispela i namba wan taim PNG tim i stap long ragbi sevens long Komenwel Gem.

Howarth i tok ol inap long stap insait long pilai bilong medol sapos ol i bin winim Kenya tasol maski long dispela win ol i amamas.

Ol bai traim long apim level bilong ol long dispela pilai.

PNG Tim Jeneral Menesa John Susuve i amamas long win bilong ol tu.

"Mipela amamas tru long pilai bilong ol.



HAT LONG STOPIM EM! Yu stap, mi go putim trai.

PNG mekim nesanel rekot long ron tasol nogat fainol long Gems

PNG Wimens tim i brukim nesanel rekot long 4x400 mita rilei tasol ol i misaut long go insait long fainol long namba 19 Komonwelt Gems long Nu Delhi, India.

Maski strongpela ron em 4-pela meri Betty Burua, Salome Dell na Toea Wisil i soim long Delhi, meri we i save gut long 400 mita ron, Venessa Waro i bin sik na 100 mita rana Helen Philemon i kisim ples bilong en long helpim insait long 4x400 mita tim resis.

Dell i bin soim gutpela ron long go pas long ol rana bilong Botswana, Inglen na Skotlen tasol ol meri PNG i no strong tumas na i kamap namba 5 bihain long Uganda.

Tasol dispela mak long taim em 3:40.40 em moa long taim ol i win win long 2007 Saut Pasifik Gems long Samoa long 2007.

Strongpela ron bilong meri Jiwaka, Toea Wisil, husat em las long pinisim rilei resis i lukim em i ron long 200 mita na bihain go gen long ron.

Maski PNG i no mekim i go long fainol, ol i kamapim 4-pela nesanel rekot we i lukim Nelson Stone (400 mita), Toea Wisil (200 mita) na Salome Dell (800mita).

Long stat bilong 4x400 mita resis, Betty Burua i go pas na em i givim gutpela stat stret we em kam namba tu long givim baten o stick ol save karim na ron i go long namba tu meri Salome Dell, Salome i bin ron gut gen long narapela 400 mita.

Helen Philemon em namba tri ron meri kam long namba tri ples taim ol senisim baten, em ron long narapela 400 mita na bihain givim long las pela ron meri em Toea Wisil we senis baten bilong ol i no tasol Wisil i bringim ol i kam namba 5 olsem na ol i no mekim i go long fainol.

Long narapela ron Sapulai Yao i ron long 3,000 mita resis, em pinis bihain long ol longpela man bilong Kenya we olgeta i winim ol medol.

Yao i pinis bihain long wanpela lep ron tasol taim em kam long pinis lain, em kisim gutpela amamas i kam long olgeta sapota na



SENIS: PNG rep Helen Philemon i redi long kisim baton long Salome Dell.

ol lain husat em resis wantaim ol.

Dispela kalap bilong em long wara, ol bin soim long TV long stedium we ol bin pilaim klostu klostu long kainkain sait.

Insait long netbol resis, PNG Pepes i brukim kiau em i karim taim em i winim India 78-41 long las gem bilong ol long Mande.


Dispela win bilong ol netbol meri Pepes i kamap bihain long ol i lus long tupela poin tasol agensim Cook Ailan 58-60 long las wik Sarere.

Tupela strongpela pilai bilong Pepes, Lua Rikis (gol suta) na PNG pilai husat save stap long Australia, Maleta Roberts (gol atek) i soim gutpela pilai tru long skorim planti ol gol long helpim tim long winim India.

Sinia pilai na kepten, Mona-Lisa Leka i

pilai strong tru namel long kot long helpim tim.

PNG Pepes i bin kisim bikpela bagarap tru long han bilong Nu Silan long namba wan pilai bilong ol taim ol i lus 102-21. Long namba tu gem bilong ol Pepes lus gen Saut Afrika 60-46, na bihain ol i lus gen long Barbados 61-55 na lus bikpela tru long Inglen 89-31.



FITMAN: Yao i bin pulim ai bilong olgeta manmeri long stedium taim em i mekim ron bilong em.



OL I TRAIM: 4x400 meri tim bilong yumi bihain long ol i pinisim ron bilong ol.

Gurias lukluk long 2011

Michael Novingu i raitim

BINTANGOR Goroka Lahanis i daunim NGIP Agmark Gurias 12-6 long bemobile kap semi fainol long Lae long Sande. Na nau, Gurias i lukluk i go het long soim strong bilong ol long bemobile kap neks yia.

Goroka Lahanis bai brukim bun wantaim SBS Mendi muruks long bemobile kap gren fainol long dispela wik Sande long Lae ragbi lig graun.

Dispela em i namba wantaim bilong Lae long lukautim bemobail kap gren fainol bihain long 1996 taim Lae i lukautim inta siti kap.

Kosa bilong Goroka Lahanis Peter Danga i tokim Wantok Niuspepa long Lae ragbi lig graun olsem ol boi bilong em i



Lahanis daunim Guria 12-6..

fit, strong na bal wok bilong ol i gutpela olsem na ol i winim dispela pilai bilong ol wantaim Gurias.

Em i tok olsem banis bilong ol i strong tumas we i lukim ol Gurias i no inap long brukim na skoa.

Danga i tok strong pela pilai bilong Tony Dai, Nigel Hukula na John Miba long putim strongpela banis long ol Gurias i no inap long brukim na skoa.

Em i tok tu olsem em bai yusim wankain lainap long pilai long gren fainol wantaim ol

Mendi Muruks long dispela Sande.

Danga i tok em i wari long wanem sampela pilaia bilong em i kisim bagarap, na dispela bai em i senisim liklik lainap bilong em long taim bilong gren fainol.

Long wankain taim kosa bilong NGIP Agmark Gurias, Michael Marum, i tokaut olsem ol boi bilong em i no pilai gut olsem na ol Lahanis i daunim ol.

Marum i tok ol bal wok bilong ol i no stret, ol i pilai wan man pilai na i lukim ol i lus long han bilong Lahanis.

Em tok ol boi bilong em i pilai gut tasol wanpela samting em ol i no inap long skoa, em tok dispela yia i pinis nau na ol bai wok hat long yia i kam long narapela bemobile kap.

Ekstra taim makim semi fainols wiken long Kiunga RFL

Roy Kakarere i raitim

NAMBA wan wiken bilong Kiunga Ragbi Futbol Lig semi fainols i lukim planti ol gem i surukim pilai go long golden poin ekstra taim.

Dispela yia em Lig i strongim dispela rul bilong golden poin. Na ol lain i go lukim pilai, i abrus long amamas na bihainim ol strongpela pilai bilong ol tim.

Long opim ol fainols, tupela Anda 17 pilai long Fraide i bin lukim ol man i amamas na sore wantaim.

Magani na Brothers i pulim taitim i go inap ful taim i painim

ol i dro 4-4. Tupela trai i kam long huka bilong Brothers, Nagare Arget na Salua Begama bilong Magani.

Bihain long 5 minit long golden poin ekstra taim, skoa i sanap wankain yet. Seken hap bilong golden poin i lukim ol i pilai inap 27 minit pastaim long Lok Fowet bilong Magani, Clinton Tube i brukim difens bilong Brothers na ron 40 mita long skorim trai na winim gem bilong Magani. Brothers i no wanbel long wanem ol i bin abrus long inap tripela fil gol ol i traim long golden poin.

Long narapela Anda 17 pilai long Fraide, Waliya na Fly

Warriors i bin pinis wantaim dro 2-2. Tasol i go apinun, na ol i pulim gem i go long Sande. Long Sande, tupela i pilai strong, tasol ol i pinis long ful taim wantaim 0-0. Long golden poin taim, wanpela fil gol bilong Joshua Bonne i winim gem.

Narapela strongpela golden poin pilai em namel long Magani na Brothers long namba wan Anda 19 gem. Long ful taim, gem i dro 2-2. Long seken hap bilong golden poin ekstra taim, Faivet Senior Dumo i brukim difens bilong Brothers, na salim bal i go long winga Henry Yari long skorim

tra i na winim gem bilong Magani.

Long narapela Anda 19 pilai, Fly Warriors i daunim Waliya 6-4.

Ol A Risev pilai i lukim Fly Warriors i kilim dai lam bilong Waliya 14-10, na Brothers i holim tel bilong Magani, 4-0.

Ol A Gred gem i lukim planti strongpela pilai. Waliya na Fly Warriors, husat i bin lidim resis long dispela sisen i traim long brukim strongpela difens bilong ol yet, tasol i nonap.

Tupela fil gol Waliya i traim i no karim kaikai, na Fly Warriors i winim gem 2-1.

Tim Milen Be soim kala long iau pas olimpiks

Paul Maolai i raitim

WANPELA liklik tim long Def (iaupas) Olimpiks long Madang we i bin kamap sampela taim i go pinis, i no wari long em i nogat planti pilai, em i soim tru kala bilong em. Dispela tim em tim bilong Milen Be.

Tim Milen Be i bin namba tu liklik tim long olgeta tim i bin kamap long olimpiks.

Em i bin namba wan taim bilong ol long pilai long dispela bikpela gem bilong ol, na ol i bin tren tripela wik tasol.

Tripela mangi na fopela meri i bin pilai insait long ol pilai.

Tasol strongpela pilai bilong

Margaret Baroa husat i winim tupela gol medal, wanpela silva, na wanpela brons, i bin apim ol.

Margaret i bin winim gol medal bilong em long 800 mita na long Javelin.

Ol arapela medal bilong em, em i winim Silva long 400 mita na Brons long Diskas.

Taim ol i go bek long provins bilong ol, ol poroman, famili na sapota i givim bikpela welkam tru long ol long Geni ples balus.

Alotau Callan Sevis Kodineta, Veronica Kave, i amamas tru long win bilong tim.

winim dispela pilai.

Ol mangi bilong tupela tim wantaim, husat i stap long Kumul husat bai go pilai long 4 Nesen long pinis bilong dispela mun bai stap wantaim ol na pinisim ol pilai bilong ol wantaim tupela tim bilong ol na bihain go joinim Kumuls long Australia.

Tupela tim wantaim i gat ol gutpela mangi long pilai. Long ol fowet na long ol beklain tu, i wankain. Tasol long gem plen bilong tupela tasol bai skelim tru husat bai win.

Ol fowet bilong tupela i luk wankain tasol long brukim difens wantaim ol traipela fowet bilong ol. Tasol problem bai stap wantaim ol beklain bilong tupela.

Lahanis na Muruks

I kam long bek pes

Sapos dispela tupela gutpela bal i no lus long han bilong ol mangi Tolai, ating ol inap lukluk strong long difendim taitol bilong ol agensim Muruks long Lae long dispela wiken.

Lae, bai holim namba tu gren fainol bilong ol kain pilai olsem. Namba wan taim em long 1995, we ol Mendi i pilaim gren fainol agensim Lae Bombers we Bombers i winim dispela pilai.

Tupela tim wantaim i pilai long Pot Mosbi na dro na skruim dispela pilai i kam long Lae.

Muruks i bin bungim Lahanis tripela taim i go pinis long gren fainol, na dispela em namba foa taim bai tupela tim bilong Hailans bai bung gen long Lae.

Lae, long dispela wiken bai kapsait stret wantaim ol sapota bilong ragbi lig long Hailans.

Mendi, husat i no soim pes long las tupela fainols bai redi gut na kam long Lae long kisim dispela taitol na Bemobile Kap na go bek long Mendi.

Kosa Jack Kereme, husat em yet wanpela pilaia bilong Muruks long ol gutpela taim, i save olsem dispela win bai kamap wanpela switpela win stret.

Tupela yia i go pinis na ol i no stap insait long fainols. Tasol ol bai rivesim kilok i go bek long 2005, we ol i bin winim gren fainol aninit long sponsasip bilong Mabey and Johnson na nau aninit long SBS.

Dispela sponsasip em wanpela bikpela, we kampani bilong Inglan i bin helpim long sapotim dispela tim bilong Sauten Hailans Provins.

Goroka planti taim smelim dispela fainols long ol sisen i kam. Maski em i wokim gut i go insait long fainols, ol i no save go insait long semi fainols o gren fainol olsem long dispela yia na dispela tingting em bai strong long ol.

Gren fainol i no nupela samting long ol.

Ol save winim planti gren fainol tasol em ol narapela pilaia long narapela ol yia.

Long dispela yia, aninit long lukaut bilong Danga, husat em yet em wanpela Lahani, em i save wanem as na ol mas

SPOT RAUN

WANTAIM

Scott Vavine, ML



Tim Morobe wok redi bilong 2012 PNG Gems

TIM Morobe i kisim planti save na tingting long wanpela trening woksop we i kamap long Lae las wik, long helpim ol i statim ol wok redi bilong ol bilong 2012 PNG gems long Kokopo, Is Nu Briten provins.

Menesmen tim bilong Morobe husat i bin kisim tim bilong ol i go long PNG gems las yia long NCD, i bin kamap long dispela trening.

Wanwan man i bilong 20 spot we i bin kamap long dispela gem i kamap long kisim trening las wik.

Namel long ol lain i bin kamap tu em ol bipo biknem spotsman olsem David "Buffalo" Haro, Bami, John Peka, Ludwig Peka na Gidas.

Dispela trening woksop i kamap long tupela hap.

Namba wan hap long moning i lukluk long spots edministresen na namba tu hap long avinun i lukluk long ron bilong tim Morobe insait long PNG gems long 2009.

Namel long 9-pela distrik bilong Morobe, 6-pela tasol i bin kam pilai.

Ol distrik spots edministreta bilong provins tu i kamap long dispela trening.

Bikpela lukluk i kamap long pilai na ron bilong tim Morobe insait long 2009 PNG gems long NCD.

Insait long dispela lukluk, mipela i painim ol hevi na asua we i kamap insait long tim Morobe long dispela taim.

Wanwan manmeri insait long woksop i luksave long dispela ol hevi na i givim sampela tingting long plening komiti long wanem samting ol i bilip i mas kamap long stretim dispel.

Dispela ol tingting bai ken helpim plening Komiti long statim ol wok redi bilong ol nau bilong 2012 PNG Gems.

Edvaisa bilong spots long provins i bin amamas tu long lukim ol i luksave long dispela ol hevi bilong ol na kamapim ol tingting long traim na daunim.

Ol wok we bai kamap insait long ol wok redi bilong tim Morobe em long sait bilong makim menesmen bilong tim, makim bilong ol pilaia, wok redi bilong wanwan tim, painim sponsa na tu bungim mani bilong tim Morobe.

Tasol namba wan samting tru we i mas kamap em long makim ogenaizing Komiti na olgeta arapela samting bai bihainim tasol.

Provinsol Edministreta, Mista Tomala i luksave long ol lain husat i kamap long dispela trening na i tok em bai sapotim wok redi bilong ol.

Tingting bilong tim Morobe nau i pas long kisim nambawan ples long 2012 na i laik toksave olsem olgeta wok redi bilong ol long dispela gem i stat pinis.



Lahanis na Muruks

...Lae gren fainol bai pulim planti

Bustin Anzu i raitim

OL mangi long kol ples Goroka i wokim nem long bungim ol mangi Mendi long dispela 2010 Bemobile Kap gren fainol long Lae, Morobe provins long dispela wiken.

Lahanis, husat i bungim pinis Muruks long tripela gren fainol bipo, i kisim taim agensim primia bilong las yia, Agmark Rabaul Gurias, long semi fainols bipo long ol i kamap wina bilong dispela gem na kisim nem long pilaim Muruks.

Ol i bin ron 4-6 na Guria i go pas long planti hap bilong pilai inap las 20 minit we ol mangi Nokondi i levelim dispela skoa na bihain liklik, putim wanpela trai na pasim wok.

Kosa bilong Lahanis, Peter Danga, i tok wok i no pinis yet inap ol i pilaim Muruks long

fainol na luksave husat i sem-pion tim bilong dispela bikpela pilai resis.

Guria, husat i pilai wantaim bikpela tingting long win, i no strongim dispela tingting insait long las hap bilong pilai.

I bin gat tupela drop bal na sapos ol i banisim dispela gut tru, Guria inap long winim dispela bung na mekim ol yet i redi long pilaim Muruks.

Goroka i bin kam wantaim olgeta bikpela nem pilaia bilong ol olsem John Milba, Tony Dai, Nigel Hukula na ol Kumul Glen Nami long winim dispela pilai.

Tasol ol mangi long maunten paia, we Kumul na Kepten Rodney Pora, Dion Aiye na George Moni i kam wantaim strongpela bilip long winim dispela pilai tasol ol liklik pekato bilong ol yet i daunim ol.

I go moa long pes 27



Pilai strong tru long Guria tasol i no mekim i go long Gren Fainol.



Pini winim silva bilong PNG...

Ritim stori long pes 25

PNG winim boul long Ragbi 7s fainol - p25

NISSAN URVAN



- 3.0 Lita Diesel Engin
- 5 Spid Manuel Transmisen
- Mor Pasindia Hetrum
- Redieta stap wan mita bihain long frant bampa

DRAIVIM IGO
tasol long
K69,900



*Piksa bilong edvetismen tasol.



PORT MORESBY	PH: 325 5255	KIMBE	PH: 983 5035
LAE	PH: 472 1144	MADANG	PH: 422 2659
MT HAGEN	PH: 542 1933	RABAUL	PH: 982 8193
TABUBIL	PH: 649 9048	Website: www.boroko-motors.com	